

光緒山西通志

隱逸錄

錄九

山西通志弟百五十七

賜進士出身頭品頂戴兵部侍郎兼都察院右副都御史巡撫山西提督軍務臣張煦奉

旨監修

舊志隱逸述自上世巢由遺跡所在有稱流風景慕山川增色幾與首陽二老懸上孤臣比迹矣三代之英例有別記姑弗深考至若邈人高士之有傳也與郡國之書相緣而起觀其忘情纓冕匿迹林泉含貞養素文以藝業徵辟弗應衡泌自安所謂隱不違親貞不絕俗如有道其人者亦足法矣奚必遐追箕穎始爲高尙哉特兩漢以來登進途廣纒幣藉輪詔使四出故世主之禮賢與處士之抗志事不相謀名適相成及夫科舉之風旣盛徵聘之典遂虛自非勝國遺民兼以名山盛業猥云遁世則窮儒坎壈薄宦浮沈有不可勝書者

矣今刪輯故志是所增益蓋仍以氣節文章爲去取之衡云
歷代

郝子廉太原人風俗通稱其饑不得食寒不得衣一介不取
諸人曾過姊飯留十五錢默置席下去每行飲水常投一錢
於井中

太原府

蘇騰字元成河東平陽人蔡邕伯夷叔齊碑曰熹平五年天
下大旱禱請名山求獲答應時處士平陽蘇騰夢陟首陽有
神馬之使在道覺而思之以其夢陟狀上聞天子開三府請
兩使者與郡縣戶曹掾吏登日升祠手書要曰君貺我聖主
以洪澤之福天尋興雲卽降甘雨也

敬信字子直河東臨汾人其人處士見永壽二年孔子廟碑
陰又碑側有東海傳敬謙字季松亦臨汾人

以上平陽府

李伯時石陂其名河東蒲坂人山陽魯陵伯時

其門人見熹平二年魯峻碑陰蒲州府

馮冑字世威上黨人奉世之後也爲司徒李邵門人邵卒獨
制服心喪三年時人異之冑常慕周伯況閔仲叔之爲人隱
處山澤不應徵辟潞安府

班嗣樓煩人也世在京師家有賜書內足於財好老莊之道
不屑榮宦桓君山從借莊子報曰若莊子者絕聖棄智修性
保身清虛淡泊歸之自然釣魚於一壑則萬物不干其志栖
遲於一邱則天下不易其樂今吾子伏孔氏之軌迹馳顏閔
之極藝旣繫牽於世教矣何用大道爲自炫耀也昔有學步
邯鄲者失其故步匍匐而歸恐似此類故不進也其持論如
此遂終於家甯武府

侯武陽河東人少奉母避白波同郡焦先嘗相扶接武陽東
客揚州建安初西還占戶大陽十六年先竄河濱大陽長謂
為遁亡欲捕取武陽詣縣此狂癡者注籍給廩日五升

西門儉字元節河東大陽人見孔子廟修禮器碑陰

劉政字元方河東安邑人義士也見中平二年曹全碑陰

岐茂字孝才河東皮氏人處士也見曹全碑陰

劉明不知何許人隱居中條山下學道為娛後人慕之為建
祠其處並置碑焉寶宇記云在解縣東南八里其碑尚存漢

安二年也以上解
縣二州

右漢十一人附見一人案唐書宰相世系表王

遷殷為漢末人甚明舊志隱逸列入晉
非茲與其元孫述並見文學此不復及

趙令岳高都人散騎常侍元方子博極羣書文學為一時冠

雅志林泉德望茂著戒子孫曰五常不可失也時修史有以學術薦者避不就

澤州府

薛雲肆州人性嗜學不樂仕進隱州西南繫舟山讀書自適以終其身今名其谷曰薛雲谷

忻州

關朗字子明河東解人有經濟大器妙極占算泚鄉里不求宦達魏太和末王虬署朗爲記室虬與談易嘆曰足下奇才也言於孝文詔見問老易朗寄發元宗寶陳王道諷帝慈儉爲本飾之以政刑禮樂帝嘉嘆謂虬曰先生知人矣昨見子明管樂之器旣而頻日引見會帝有烏丸之役敕子明隨虬出鎮并州軍國大議馳驛而聞朗終不仕虬子彥師事朗受春秋及易共隱臨汾山

解州

裴安祖聞喜人性慧好學閒居養志或勸其仕安祖曰高尙

之事非所敢當但京師遙遠實憚于栖遲耳後魏高祖幸長安見安祖甚悅拜安邑令以老辭詔給一時俸以供湯藥

州

右北魏

鄭翻字靈雀太原晉陽人父紹元小字安都齊太尉諮議趙郡太守翻少有器識博學好文章武平末位司徒記室參軍齊亡歷周隋不仕隱居滎陽三窟山傲誕不自羈束或有所之乘驢衣襦破弊而往遠近欽其高名皆謂有異狀觀者如堵及見其形乃甚短陋不副所聞然風神俊發無貴賤並敬服之納言楊素聞其名因使過滎陽迎與相見言談彌日深加禮重及歸言之朝廷累徵不至終於家

太原府

負苓者蓋昌甯人也文中子講道於白牛之溪弟子捧書北面環堂成列講罷程生退省於松下語及周易薛收歎曰不

及伏羲氏乎何詞之多也俄而有負苓者皤皤然委擔而息
曰吾子何歎也薛生曰叟何爲者而徵吾歎負苓者曰夫麗
朱者丹附墨者黑蓋漸而得之也今吾子所服者道而猶有
歎是六府五藏不能無受也吾是以問薛生曰收聞之師易
者道之蘊也伏羲畫卦而文王繫之不逮省文矣以爲文王
病也吾是以歎負苓者曰文王焉病伏羲氏病甚者也昔者
伏羲氏之未畫卦也三才其不立乎四序其不行乎百物其
不生乎萬象其不森乎何營營乎而費畫也自伏羲氏洩道
之密漏神之機分張太和磔裂元氣使天下之智者詭道逆
山曰我善言象而識物情陰陽相摩遠近相取作爲剛柔同
異之說以駭人志於是知者無不知而大樸散矣則伏羲氏
始兆亂者安得羸歎而差文王負其苓而行追而問之居與

姓名不答文中子聞之曰隱者也

北山丈人居昌甯山中謂文中子曰何爲遑遑者乃無急與

文中子曰非敢急傷時怠也

以上平陽府

張文舉高平人通春秋三傳幼負才名時士翕然宗之性澹

泊不樂仕進

澤州府

夏城牧豕者居夏城以牧豕爲業文中子之夏城薛收姚義後過之而問塗焉牧者曰從誰與收曰從王先生也牧者曰有鳥有鳥則飛於天有魚有魚則潛於淵知過者盡默默焉文中子聞之謂收曰獨善可矣不有言者誰明道乎

河上丈人居河間文中子遊河間之渚丈人曰何居乎斯人也心若醉六經目若營四海何居乎斯人也文中子去之薛收曰何人也文中子曰隱者也收曰盍從之乎曰吾與彼不

相從久矣至人相從乎曰否也

仲長子光字不耀遊於河東人問者書老易二字爲對嘗曰在險而運奇不若宅平而無爲文中子以爲知言嘗謂子光曰山林可居乎曰會逢其適也焉知其可文中子曰達人哉隱居放言也又曰其名彌消其德彌長其身彌退其道彌進此人其知之矣薛收問政于子光子光曰舉一綱衆目張弛一機萬事墮不知其政也文中子曰子光得之矣收問子光何人文中子曰天人也收曰何謂天人文中子曰眇然小乎所以屬于人曠哉大乎獨能成其天又曰仲長子光天隱者也無往而不適矣王績著仲長先生傳

霍叔管人隱於漁雅精樂律文中子嘗曰吾正樂於霍生見

吾年者幾焉吾將退而求諸野矣

以上解絳二州

右隋八人

武攸緒并州文水人惟良子恬淡寡欲好易莊周書少變姓名賣卜長安市得錢輒委去後更授太子通事舍人累遷揚州大都督府長史鴻臚少卿武后時封安平郡王從封中岳固辭官后疑其詐許之攸緒廬巖下如素遁者后遣其兄攸宣敦諭卒不起盤桓龍門少室間冬蔽茅椒夏居石室所賜金銀鎗鬲野服并王公遺鹿裘素障櫻栢皆塵積不御市田潁陽與家奴雜作晚年肌肉銷管腫有紫光晝能見星中宗初以安車召拜太子賓客苦祈還山詔可安樂公主出降又以璽書迎之將至勅卽兩儀殿設位行問道禮詔見日山輒葛巾不名不拜攸緒至更冠帶仗入通事舍人贊就位攸緒趨就常班再拜禮不及行朝廷嘆息賜予無所受親貴來謁

道寒溫外默無言及還朝官並祖城東俄而諸韋誅唯攸緒
不及睿宗下詔慰諭復召拜太子賓客不就開元十一年卒
于伯龍太原人年一百二十八歲精爽不昧開元東封道謁
自稱帝堯外臣兩孫隨之各年七八十

以上太原府

薛業汾陰人天寶間處士也西遊廬山補闕趙驊侍御史王
定評事張有略各以文贈獨孤及嘗稱其敦於詩困於學敏
於行口弗言祿祿亦不及識其真者以爲永歎以爲景慕
李純夫臨晉人隱居不仕構了了菴亭于王官谷貽溪之上
元宗召之不起號孤雲子

張昉河中萬泉人咸通末進士登第知天下已亂遂隱不出
後朱全忠屯河中間昉才使人召爲判官佯以風疾堅謝謂
其子曰吾固不欲仕此世且亡唐者此人可使辱我乎後將

避義嶠遂棄家去入蜀不知所終以上蒲州府

馮裴上黨人與子元俱以琴書自娛不樂仕進以隱士稱

郝洽字元津上黨人祖溫元魏時以門第爲本州中正洽隱居不仕元宗爲潞別駕出獵與語奇之因造其第及後卽位授以官不拜終身稱處士賜田給養焉

田佐時潞州處士建中三年黜陟使裴伯言薦之詔除集賢院直學士宰相張鎰以爲禮輕恐士不勸復詔州縣吏以絹百匹粟百石就家致聘佐時卒不至以上潞安府

宋舉字思進太原西河人唐初起義爲都尉立功授儀同三司非其志也歸隱上黨晦迹山林間卒年七十一潞州府

郭僕陵川人文藝兼通孝友大著刺史屢薦辭不就逍遙泉石以此自終

司徒映澤州人官太常卿太和中棄官歸里晦迹藏名清修
砥礪屢徵不起

韋況陽城人少隱王屋山孔述睿知其賢薦爲拾遺不拜未
幾以起居郎召居半載輒棄官歸徙家龍門累徵不起元和
初強起諫議大夫未幾復乞致仕況貴胄勵志沖遠不爲聲
利所奪當世重其風操

李通敏高平人金翰林承旨宴六世祖也棄科舉學辟穀去
妻子隱於西山不入城市年踰百歲無疾終後有遇於王屋
者儀貌如生因名山及井爲遊仙以上澤州府

衛大經蒲州解人卓然高行口無二言武后召之固辭疾素
善魏夏侯乾童問其母卒盛暑步往弔或止之曰不如致書
答曰書能盡意耶比至乾童以事行乃設席行弔禮不訊其

家而還開元初畢構爲刺史使縣令孔慎言就謁辭不見大經達於易人謂之易聖預筮死日鑿墓自爲志如其言而卒

州解

王績字無功絳州龍門人性簡放不喜拜揖兄通隋末大儒知績誕縱不娶以家事鄉族慶弔冠婚不與也與李播呂才善大業中舉孝悌廉潔授祕書省正字求爲六合丞以嗜酒不任事因劾解去嘆曰羅網在天吾且安之乃還鄉里有田十六頃在河渚間奴婢數人種黍春秋釀酒養鳧雁時藥草自供以周易老子莊子置牀頭罕讀他書欲兒兄弟輒度河還家游北山東臬著書自號東臬子乘牛經酒肆留或數日高祖武德初以前官待詔門下省故事日給官酒三升貞觀初以疾罷復固求太樂丞自是太樂丞爲清職刺史崔喜悅

之請相見答曰奈何坐召嚴君平耶卒不詣杜之松故人也
爲刺史請績講禮答曰吾不能揖讓邦君門談糟粕棄醕醪
也初兄疑爲隋著作郎撰隋書未成死績績餘功亦不能成
預知終日命薄葬自誌其墓績之仕以醉失職鄉人斬之託
無心子以見越曰無心子居越越不知其大人也拘之仕無
喜色越國法曰穢行者不齒俄而無心子以穢行聞王黜之
無愠色退而適茫蕩之野過動之邑而見機士機士撫髀曰
嘻子賢者而以罪廢耶無心子不應機士曰願見教曰子聞
蜚廉氏馬乎一者朱鬣白羣龍鬐鳳臆驟馳如舞終日不釋
轡而以熱死一者重顏昂尾蛇頸貉膝踞齧善厥棄諸野終
年而肥夫鳳不憎山栖龍不差泥蟠君子不苟潔以懼患不
遵穢而養清也其自處如此

絳州

右唐十五人

敬滌心榆次人五代時隱居不仕能詩精於易偶爲人言未至事輒中年七十餘飲酒斗許不醉常騎牛行山谷間或臥石上有出俗意時張丞相士遜家有滌心詩數篇其一聯云水禽依釣叟風葉撲龕僧亦有幽味也

太原府

裴謙聞喜人度孫有才學以五代亂晦迹不仕避兵徙同州白水縣卒葬其里子晉博學經史亦有隱德

裴宗煥聞喜人隱居不仕以詩書自娛

絳州

右五代三人

附見一人

邢昂太原人高蹈不仕寇準陳堯佐范仲淹文彥博胥贈詩卒葬晉祠南原張景儉表其墓

太原府

李瀆河中人其先世居洛陽曾祖邵梁崇政使後唐以太子

少傅致仕父瑩字正白善詞賦廣順造士蒲帥張鐸辟記室
因家河中乾德初爲殿中侍御史度支判官使江南授右贊
善大夫卒初瑩禱河祠而生瀆故名瀆字河神後改字長源
涓澹好古博覽經史十六丁外艱杜門不復仕進家世多聚
書畫王祐典河中深加禮待名益著時往來中條山中不親
產業所居木石幽勝談唐室已來衣冠人物厯厯可聽罕著
文前後州將皆厚遇之王旦李宗諤每勸其仕皆不答乘馬
嘗爲宗人借憩於廬間瀆卽繫之其惡辭如此州閭化其儉
德祀汾陰孫冕言其隱操陳堯叟復薦之召見辭足疾不起
遣內侍勞問令長吏歲時存撫明年又存問瀆自陳習靜避
世意素嗜酒嘗曰扶羸養疾舍此莫可從吾所好以盡餘年
不亦樂乎天禧三年語諸子曰山水足以娛情苟遇醉而卒

吾之願也吾將與爾永訣爾輩當常在左右卽設外寢同處
一日忽曰適有人至牀下誦詩云行到水窮處未知天盡時
言訖不見吾當逝矣亟取瑩集七十篇洎書畫付諸子促家
人置酒頃之卒年六十三贈祕書省著作佐郎賜其家帛二
十匹米三十斛州縣常加存卹錫養役

張愈字少愚河東人僑鄆傳偉有大志遊學四方屢舉不第
寶元初上書言邊事請使還其論甚壯用使者薦除試祕書
省校書郎願以授父顯忠而隱於家帥文彥博置青城山白
雲谿杜光庭故居以處之內艱鹽酪不入口再期植所持柳
杖於墓忽生枝葉後合抱六召不應喜弈棋樂山水遇有興
雖數千里輒盡室往遂浮湘沅觀浙江升羅浮入九疑買石
載鶴以歸杜門著書未就卒

以上蒲州府

王載道沁水人少穎慧於書無所不讀宣和間以明經舉進士不第金人南侵大河南北地胥陷沒遂輟舉子業隱於鹿臺山且耕且讀後進高其行多所師事金天眷間省檄屢辟俱辭不應所著有鹿臺詩稿藏於家學者稱爲鹿臺先生

張宗古高平人幼負大志優於文學父母早逝或勸之仕曰仕以行志也親老而養不逮吾志安乎樂善喜施嫁宗孤女五人瘞貧乏者十餘家當時宗族兄弟例得守本郡有至者屏居山澤不一造其門旣罷情禮如初人胥稱孝廉云

邵凱陵川人博覽經籍隱居錦屏山縣令呂由庚薦不起一時名人谷漢臣高子美輩嘗就訪焉

張克柔高平人以理學自負性爽慨重然諾遁迹山林布衣蔬食處之淡然顯者每顧其廬非其人則辭而避之

王照高平人質朴有古人風爲學以理道爲主不事章句深
居屏迹灌園種樹以終老每接人必稱說格言鄉里感化無
少長咸親之

以上澤州府

張象仁孟縣人熙甯六年進士授校書郎上仁宗時宜五事
落職隱白鹿山不交當道者五十餘年見丞相呂思誠墓表

平定州

劉易忻州人性介烈博學好古喜談兵韓琦知定州上其所
著春秋論授太學助教并州州學說書不能屈志仕進寓號
之盧氏習辟穀術趙抃復薦其行誼賜退菴處士易作詩琦
每爲書石或不可其意輒滌去琦亦再書之尹洙帥渭延致
尊禮狄青代洙遇之亦厚治平末卒琦作文祭云剛介之性
天下皆合者有幾淵源之學古人不到者甚多其敬之如此

熙甯初察定戶役詔易家用處士如七品恩得減半示優禮
云州

代淵字蘊之代州人唐末僑導江家世爲吏有陰德淵性簡
潔事親孝受學於李旼張達舉進士甲科得清水主簿歎曰
祿不及親何所爲耶還家教授坐席常滿安撫使舉鳳州團
練推官不就知益州楊日嚴又薦之遂以太子中允致仕謝
絕諸生著周易旨要老佛雜說數十篇田況上其書自太常
丞改祠部員外郎晚年日菜食巾褐山水間自號虛一子長
吏致問澹然與對略不及私嘉祐二年九月疾召術上擇日
云丙申吉領之是日沐浴而絕

代州

韓退稷山人隱居不仕一時名流多推重之康定間以待制
吳遵路等薦奉詔賜絹米大陽里人掘地得遺碑具詳其事

韋退絳州人放誕不拘浪迹秦晉間以詩自名嘗跨一白驢
好著寬衣鶴氅醉則鶴舞石曼卿贈詩曰醉狂元鶴舞閒臥
白驢號其風致之高如此

以上絳州

右宋十三人

王中立字湯臣奇嵐人博學強記問無不知少治易有聲場
屋間家豪于財賓客日滿門待之極豐腴年四十喪妻不更
娶亦不就舉齋居如衲僧三四年出時人覺其談吐高闊詩
筆字畫皆超絕若有物附之者問之不言也趙秉文知平定
往謁之遺詩云寄語閒閒傲浪仙枉將詩酒污天全黃塵遮
斷來時路不到蓬山五百年因言唐世士大夫五百人皆仙
人謫降中有爲世味所著迷而不返者如公與我皆是也晚
年易名雲鶴自號擬桐詩甚多人問世外事亦一二言之好

作擘窠大字往往瞋目爲之筆意縱放勢若飛動秉文甚愛之李之純嘗共商略前代人物歎服以爲辨博中第一流人也臨終預剋死期如言而逝州將石倫葬之忻州時年五十

六
王謙并州人沈靜有志操少受學於學士王晦諸子百家旁及經典咸所精曉絕意仕進卜築西山結社講道直躬化俗有太邱遺風

以上太原府

薛繼先字曼卿南渡後隱居洛西山中課童子讀書事母孝與人交謙遜和雅所居化之子純孝字方叔有父風有詐爲曼卿書就方叔取物者曼卿年已老有少容客不知其爲曼卿而以爲方叔也與之書曼卿如所取付之監察御史石玠行部過曼卿拒不見或言君何無鄉曲情曼卿曰今時政未

必皆善御史一有所劾將謂自我發之同惡相庇他日并鄉里必有受禍者其畏慎皆此類王辰之亂病沒宜陽

馮志恩榮河人九歲入學受書一再讀輒成誦博考經史崇尚志節貞祐間避亂秦華遇隱者田元圃語相契遂師事焉田傳以祕訣豁然開悟王辰兵息復還故鄉依先人茅屋一意操存以道自樂平生未嘗有疾及年老行不杖坐不倚氣爽神清目有餘光

以上蒲州府

曹恆字君章應州人少讀書不喜爲科舉計高丞相收礪以女妻之而性孤介不肯事富貴人南渡居大梁葺軒種竹號友直渾源劉益爲作詩賦之又好收古人書畫器物藹然有士君子風遭亂病沒有子之謙擢第

大同府

楊著平定州人金亡聶侯死之以教鄉里子弟守節不仕官

稱嘉山逸人

耿守直平定州人進士總帥府教授金亡不仕隱居鄉里自號方山居士

趙泰字仲通孟縣人博綜經史不干仕進當道辟爲兵部奏差泰曰吾家世敦朴力訓子弟一入仕途恐漸競浮靡非福也辭不就務農勸讀矧恤貧乏鄉里重之

以上平定州

房居安字敬之何津人祖信父倚金季爲萬戶都統居安嗜學不倦第鄉貢進士甫就廷試而汴亡遂隱居終身與稷山段克已訂論正學使諸子師事之葛巾藜杖詩酒自怡數年卒至正初段秉昭題其墓曰處士先生銘曰先生之生斯文有光一舉鄉解人覩異常天地經變晦跡弗彰甘分遐隱得失誰量

郝壽履山人舉進士隱居教授以德行稱以上絳州

段思趙城人隱居南步里草舍三間鄉里莫覩其面敦武校

周世紘悉其賢為撰遠塵巷記霍州

右金九人附見一人

謝默字蘊中榆次人篤志好學博通經籍養母以孝聞高尙弗仕

趙彬榆次人至大間以儒士辟冀甯掾去之教授里中從問

學者百餘人以上太原府

閻忠平陽和川人父衍事金沒於王事遂不求仕避兵於山

東之高唐遂家焉子復有文名官至翰林承旨

王勵臨汾人登進士值亂隱居太清觀博覽多識病介自守

工詩善書搢紳推重亦見陽城志云為道士居太清觀現中有遺迹舊志兩收之茲附見

柴潛道襄陵人志高尚博極羣書工詞翰不樂仕進教授鄉閭有古隱逸風號秋巖莊靖處士集古詩一帙名秋巖小稿行於世

張容字桂巖洪洞人與張守大友善相攜同隱詩學齊名時號二高士

張守大字雲谷洪洞人元季不樂仕進隱於箕山躬耕自給博覽羣書以吟詠自適善書法詩文胥擅名於時人稱高士以上平陽府

王綱長子人從陝西侯伯政講性理不樂仕進築粹經樓於家廣積經史教子弟

已見傳行重出

宋思約上黨人思齊弟性恬靜私淑聖學不樂仕進建藕澤書院講學其中後學多從之

以上潞安府

王天祺字秋巖汾陽人喜讀書善屬文以教職茂異辟胥辭
疾不赴諄諄善詢成就宏多狀元張益其門人也人稱秋巖
先生門人李峽等爲之立碑

汾州府

郝思溫陵川人天挺子金末避兵南渡設教汝洛之間其徒
相與號靜直處土工學築書得雪菴法樂安何中作大字歌
所謂東山手提雪菴筆筆中出此萬鈞力也東山其自號雪
菴者僧李普光也

白處善澤州人性警敏有學行嘉邇不仕世祖高其志勅曰
身篤道義漠然無名利之心家富詩書樂矣有田園之趣賜
號義安處士

張起巖高平人性嚴重與人寡言獨與韓維學游爲忘年友
同隱居龍山號東崖維學嘗語人曰張東崖宋魏野之流也

日相過從放歌自適著有泣水倡和集

張才高平人與兄播齊名恬退不仕嘗種瓜自給播居上黨
刑部尙書金鄉馬紹嘗從之學見元史

張汝弼高平人事親孝以詩名世遁迹莒山嘯歌獨行性好
食薇自號薇田扁其室曰薇齋

郝彝字仲常陵川人文忠公仲弟經明行修不仕

趙宗元澤州鄉貢工文詞山居高蹈一時學者多宗之號沙
城野隱

元凱高平人文學重一時學者多出其門隱居教授鄉里遠
邇皆化其德所著歸極性命人多稱其能發前賢所未發云
衛元凱字舜舉陽城人舉進士性清介粹然儒者至元間罷
科舉遂引退不出遺文多載石碣人傳誦焉

並見儒
行重出

和居中陵川人性敏學博篤於友愛潛德弗耀而終

蘇叔華陵川人尙書萬初叔父遞跡山林有詩名

王翼字輔之陽城人性穎悟勤於學七歲嘗從師行有誦杜
牧華清宮詩者後師舉似厯厯能道之師頗奇焉既長日記
千言應進士舉因感疾遂留意於醫尤精於易占無不應自
著有古律詩三百餘篇長短句二百首

韓嗣宗澤州人號丹川隱士行事不槩見於其時亦避迹邱
園者

李希白高平人有俊材時當元季謂鄉人曰此忠臣義士奮
發之秋吾力不能而復覩顏事之恥也遂屏居無仕進意一
時朝士俱知其名

以上澤州府

楊士元武鄉人元末隱居不出事父母至孝家貧盡力耕夜

讀書稍有贏餘卽分以周匱乏嘗值荒歲鬻田以賑梵獨者
邑令上其事於朝明初以秀才徵辭不赴人稱高士士元曰
億兆居深山無官者衆矣豈皆高士哉特以無才不堪作興
朝佐命耳卒崇祀鄉賢孫德修十歲舉神童以明經仕至別
駕

王忠字孝卿武鄉人少力學有孝行輕利重義不求聞達鄉
里欽其高誼咸以古君子推之採風者稔其賢將薦之忠不
願曰第守吾十畝田日再食足矣君國事吾弗堪也終身不

仕

以上沁州

田傑孟縣人領大德四年鄉薦性淳厚不樂仕進內孝於父
母外信於朋友輕財重義尤善屬文教授鄉里不倦人有片
善惟恐稱道之不足若非義相干怡然不與校鄉人賢之

鄭忠字蓋臣孟縣人志行高邁不諧時趨有勸以仕者弗應
王文翰詞賦尤長將卒謂子治曰所作聊以自娛無補於世
悉焚之

以上平定州

張惟善忻州人藏書萬卷隱居授徒出其門者多名人其墓
銘曰於維先生學傳聖心文經是式詩雅斯欽上希陳邵晦

迹幽深

忻州

王德素崞縣人朴子性忠孝有知略大參楊公辟爲幕官未
久稱疾去寓汴中當路交薦除汴梁路雜造總管不就卒子
九齡能承父志事叔父德柔尤謹辟爲榮河尹不就又辟爲
榆次尹不踰月解組去時人嘉其尙志

代州

段承祚稷山人自幼業太學謙和好禮動止有則任國子學
正以母老歸養屢徵不起教授于鄉有敦薄立懦之風時人

稱爲德門先生

終州

石元二十七日

又二人附見

張圖南字拙菴文水人性倜儻怡志泉石好讀人間未見書間亦歌詩摹帖以自適直指高其操親詣之談陋室做席間食疏食菜羹歡如也晚年家益貧行益高每遇佳山水輒留連不去或勸之仕笑曰廟中之犧漆園吏不爲而謂吾爲之乎

王繼臣寄嵐州人好陽明甘泉之學議論多出人意表御史按臨至州諸生迎道左繼臣獨隱樹後御史呼而責之抗聲言曰方今大同兵變邊疆多虞非天下無事時也明公不詢及一言而屑屑與一書生較長何耶拂衣徑去家貧處之裕如卒於旅邸友人某爲具棺葬之

李重熙崑崙諸生家貧借棲西山寺日事鉛槧冬不鎔夏不
扇足跡不入城市尤明於取予臨財不苟嘗有句云聖賢渡
口休行錦義利關頭要認真卒食窮而沒

孫絳太原人慷慨有大志能文章干言立就闢變借鄭伯陽
段樵隱沁源山中後鄭歸授徒自給二人不知所終

韓從周字尙文陽曲人嘗以明經修行舉力辭弗獲遂應薦
行至半途以疾作遽歸隱居讀書終身不仕

王屏朱榆次諸生甲申之變取衣巾焚之絕意仕進或有勸
之者輒張目不答盤桓山谷間以終

以上太原府

邵錦臨汾布衣也家貧好學閉門讀書十年貫涉經史取予
不苟人憐其貧有贈遺者一無所受時人有原憲之稱

趙需字萬東太平人性穎悟能文尤長於詩甘貧樂道不求

聞達名公咸推重之

高調鼎出沃諸生讀書嗜古志高亢不諧於俗明季縣令李
某貪橫調鼎憤而行吟語多風刺李怨而姑參之多方餽遺
固辭弗受李怒視其中甲申之變北面流涕繼乃佯狂不知
所終

以上平陽府

楊守中字彥庸猗氏人博通經史尤善詩文有隱德洪武間
詔至內府欲官之伏而不謁垂半載不易其志詔送還原籍
荆聚蒲州人博極羣書志尚恬退洪武初舉孝廉辭不就寄
傲江湖絕迹人事有逸民之風

孫達猗氏人達於學洪武甲子再行科舉舉第一旋成進士
志尚卓然鍵戶深居寄意詩文以自娛同年黃太常子澄練
都院子甯常延入客座上下其議論靖難兵起黃練見殺達

痛入山長往不返

孫晟榮河人博學能文宣德丙午鄉舉後遂隱居讀書優游以終

謝麟字應文蒲州人成化間以人材薦授鄴城丞棄官歸隱於州東青渠構桂莊書屋以耕讀自娛終身不入城市著有西遊集蟻穴集呂涇野廬和集千餘首皆關世教有詩人遺

風

以上蒲州府

劉徵字文獻號耕樂處士性介直有才辯善於誘掖勸人以講學修德涉獵書史爲務且通星歷之學明太祖特詔徵隱逸與壺關杜徵同被寵命徵辭不就益篤行誼躬耕樂道邑人咸尊禮云

許鈍屯留人永樂辛卯舉於鄉長才博學於書無所不讀而

性甘恬退不樂仕進以隱士稱

宋相潞州人例貢才穎志高性好游工書法客居都下與何仲默崔仲彪郭介夫輩相唱和知潁州未幾掛冠去日與李太史漳野劉少保紫巖以詩酒往還年八十八以壽終

李如佐潞州人博雅能文不樂仕進與信陽何景明相友善

以上潞安府

陳錦高平人性高鯁幼學舉子業恥事勦說後隱於西山之麓曰修不必耀貴不必爵知不必人行不必身竟以此自終時高其操

王遜之澤州人明初逸民相傳有詩云勞身苦苦逐浮名身與浮名孰重輕身勞名得猶爲可無奈身勞名不成亦見高致

王隆澤州人孝友謹信安貧好學無意仕進長於勸善鄉邑
傾慕有王彥方之風年八十餘攜冊諷詠嘗題希夷高臥圖
以自況詩云汴京龍虎風雲會華岳壺盧日月長非是先生
眞愛睡達人羞看利名忙

王克耘陽城人善詩賦不仕結知止齋藏修終身

和元德陵川人以文行稱嘗被薦入朝以疾辭結茅太行之
顛題曰默齋宋濂爲之銘

李時芳字憲川陵川人敦倫守道沁水孫尙書居相以靖節
貞曜擬之卒後私謚孝靖文子

徐應奎字文徵陵川人瀟灑任達寄情詩酒爲百字歌以自
況著有清居博採等集

馮奇遇字尹山力穡自給逍遙泉石間以終老邑人稱山中

祭酒

李培秀陵川人積學能文學使者延主河汾書院性篤孝嘗到股事親隱而弗彰逆闖時岩居不出號孤山處士著孤山問業集

李灝沁水人尚書瀚兄也通書史工吟詠不樂爲舉子業居族黨雍睦謙讓不以門第驕人邑長至率先造請究問治術凡所敷陳皆切利病

尚甯一沁水人少慕嚴君平自號希平不爲舉子業與弟諸生統一白首怡怡每日古有位登臺輔而人嘆其不得爲祖之後者富貴何爲大學士劉宇亮薦其修史授中書不赴崇禎中兩以孝友辟皆不起避讀厯山之陽著書自娛一日會戚族談笑話別不疾而終

已見文學

楊鵬翼字子羽陽城人崇禎庚辰進士授會稽令有德於民甲申後棄官僑浙東僮僕負囊醉仆遺其囊爲土人所得察知曰此楊公行李敢隱乎遂送致其所尋閒歸里杜門謝迹人罕見之著有國亭詩集

王兆河字龍川陽城人萬厯壬午舉於鄉性淡退少年得雋終身不仕嘗題壁自警云不佞兢兢業業無事恆若有事無患恆若有患不敢妄出一語不敢藐視一物不敢奢起一念不敢輕移一步終日跼踖若宇宙無容身之地其恭慎如此王洽陽城人萬厯乙酉舉人隱居不仕沈潛穎辨出入經史劉東星張慎言極稱之

張席字雲生澤州人父應禮以菽粟權子母歲大禮席珍年方童卽竊焚其券弱冠補諸生性淡泊不希華應寡於交游

定省婚嫁外了不繫心服食日用率儉朴有司博士之門足
迹不至遭母喪哀毀病卒苗中丞昨土嘗以隱君子稱之

澤州府

王瑛懷仁人學黃老術築室西山之陽去縣百餘里坐臥一
小樓日玩煮石煖霞爰經鳥翼之說農圃隱卜無不究心終
歲足迹不入城市年七十七無疾而卒

孫勝懷仁人少力農目不知書於田遇道士狀貌奇古察其
非常人也進麥飯一盂意甚恭道人以裏拂其面忽失所在
由是習亂狂走者數日比醒率口吟詠頃刻可數十首饒有
天趣讀書能了大義巡撫王縣令李皆與酬和以詩人待之
事在嘉靖初年

以上大同府

史天益偏關人性誠篤其叔父母衰老無子益敬事之二十

年如一日終身不入城市唯以力田孝弟教子孫當時稱其
行詣年九十七卒

張重德甯武諸生甲申後棄巾服髡髮爲沙門隱清真山中
以上甯武府

朱遜沁源人宣德朝舉鄉試第一官乾州學正志趣高潔不
樂仕進棄官歸優游林下二十餘年號南石居士

徐朝宗沁源人歲貢任南宮司訓德性謙恭儀容修整居鄉
不履城市不謁有司嘉靖中兵科給事中張廷槐謫沁源令
悉朝宗素行深敬禮焉嘗歎曰不意山縣中有此高人也
以上沁州

溫良字從善孟縣人少聰慧有奇氣未冠補邑庠生旋棄去

隱於北鄉

平定州

張本順字佑蒼代州人性聰穎好讀書日以撰述爲娛以歲貢授訓導不就甘貧樂道張尙書鳳翼勸令仕執手謝曰時不可爲強我以仕是速我病也假數年讀書以老足矣鳳翼爲歎服著有尙書輯要四子明道錄性理參微諸集

劉靖民字汝舟代州人崇禎庚午舉人官河南府推官治獄以明允稱遇亂棄官歸隱於潁水之陽恭順侯吳維華以招撫過代趣之仕靖民自陳願守所志力辭不就

以上代州

王昱字稗陽夏縣人事親孝人咸稱爲王孝子貧而有守不苟言笑不事舉業從曹于汴講學興安邑孝廉李貞佐善貞佐任郊縣昱訪焉流賊至李促昱行昱曰安趨而危去吾不忍也城破李罵賊死李母喬亦爲賊害家人俱逃昱獨從不去賊削其耳鼻仍不去賊詰之曰令吾友也冀得收其骸骨

耳賊義之釋不殺收貞佐屍並其母葬於郊縣之城南飄然

長往不知所終

州解

李貞絳州人洪武時劉基薦爲遂昌縣主簿靖難後隱居不出永樂二年徵至京師授以官不就賜宴歸

張份字廷儀絳州人郭杜王太史曰人始見廷儀或以賈易之及接其平度聽其談吐無弗改容禮之者蓋江湖豪傑士而隱於賈者云

劉三宣稷山人崇禎癸未秦寇入晉疆三河震恐撫軍求才略出衆者宣以山人詣戟門上戰守十策撫軍奇之授以職固辭一時公卿多贈詩詞以表其行

崔呈德絳州人修眉廣額丰儀秀整荷擔賣油人稱長者弟呈秀天啟時附魏璫由御史驟升工部尙書呈德未嘗問也

璫敗呈秀伏法逮及逆屬而呈德以賣油獲免人以比之武

攸緒云

以上
絳州

右明四十五人

又二人
附見

國朝

郭連城文水人高才博學工書善詩不樂仕進優游泉石間
自號白雲隱士家貧遇書籍輒傾餽購之尤究心性命之理
學者咸推尊焉與太原傅青主平定白居易爲方外游年未
三十卒忻州牧魏一鶴賦詩以弔旌爲處士之墓

杜亦衍字蔭祁太谷人天性孝友不求聞達自號泥窮野人
舉鄉飲不就精於醫亦能詩著情來草

鄭太沅字伯陽太原人與孫絳段樵友善孫段先卒太沅隱
柳峪朝陽洞乃與一駝一啞一龍爲友稱爲四廢

閻修齡字再彭太原人明甯化兵備世科子也僑居淮安補
郡文學性篤孝居親喪哀毀踰禮瞻依松楸數十年如一日
甲申後棄諸生以詩名江淮間自號牛叟甯都魏禧雅重之
杜可柱字石臣太谷人明諸生讀書樂道不求聞達學問淵
博尤長於詩著有海槎吟

孫重之興縣諸生少孤事繼母以孝聞從舅氏康子丹遊得
窺性命之學既有所得隱居邑之石樓山中游藝怡情遂工
書法落筆如奔虵飛虺風雨驟至得者輒珍之

賈怡字和菴陽曲布衣也少從父賈遠東父卒貧不能反因
訓蒙自給卒積貲扶父柩歸葬年踰五十始娶婦旋沒遂不
再娶好爲詩直抒性情多藹然仁孝之言

白翰墨柏次人農家子也少嘗就村塾學未幾棄去耘耕之

暇輒喜爲詩著有涂湄閒詠間與文士談俗人罕有接見者

時稱爲隱士

以上太原府

李自生字絲吾臨汾人明季諸生甲申後絕意進取徜徉林泉以終

王名轍臨汾人舉康熙丁卯鄉試不樂仕進惟以詩書自娛遇邑有公事則任其責時以貞不絕俗推之

趙侗字子野洪洞布衣自號鶴道人胸期高曠瀟灑出塵喜遨遊足迹半天下寓中州最久工詩善畫好彈琴博覽羣書風流自賞晚年與同里范彪西友善日與談道樂而忘倦臨沒盡所藏書數千卷以贈其達若此著有憂琴草行世

楊維棟字山大襄陵人幼穎異讀書過目成誦既補諸生卽棄舉子業博涉載籍喜吟詠尤善書法片紙隻字人咸寶貴

之性簡淡寡交游屏迹城市耽情山水以詩酒自娛有稽康
向平之致

袁鏞珂翼城人前明己卯舉於鄉甲申後遁迹不出親朋罕
見其面曲沃賈尙書漢復與有舊登門造訪辭弗見餽以金
帛亦不受歎息而去

秦邑岐字瑞之曲沃人前明癸酉舉於鄉博極羣書矜尙節
義倡築所居義門村堡歲饑出粟賑貸鄉人德之甲申後隱
居著述不求仕進有備忘錄藏於家

吉士臨汾人少讀書明大義而雅嗜奇山水既長有文名同
列咸斂手推避間逆破平陽召試諸生授以僞職士閉戶不
應或以利害怵之不爲動後優游巖壑間以老有枕流漱石

之風

亦見洪洞志云本名學彭字肯友舊志一列
明一列國朝茲就入臨汾以平陽府

郭充實字光先曲沃人性淡泊不求聞達少從衛嵩遊品詣獨超後授徒武進客死著有友在編山居閒筆蒿爲序之梁調元字和九曲沃人嗜讀書不爲舉子業少與賈尙書漢復善賈開府關陝召之入署不往構草廬於近郊居之布衣蔬食澀然自得繞廬多積水蘆葦蕭蕭吟哦之聲時達戶外生平於經傳子史靡不窮究著述有根據洪洞范鎬鼎嘗採入三晉語錄

嚴得有字玉泉曲沃人嘗客瀟湘愛其山水人文築室棲隱榜曰晉陽菴敦篤友誼修會館以處鄉人歲或一歸往來晉楚人咸敬之

王標字爾瞻太平諸生性淡泊寡營闢墅一區繙書種藥坐臥其中者三十餘年著有牖下十書等集藏於家

趙振字舜園太平人高簡樸素非分之事拂物之爲不涉於心教人於詩書之外並及周旋應對射御書數工書得顏柳法人獲其手蹟皆藏弄以爲楷模

杜攜英洪洞諸生胸懷高曠好游浪迹秦豫間遇佳山水必有留題因之書名大著咸以逸士稱之

吳如英字渭川襄陵諸生嗜古淹通尤工於詩皓首窮經不慕世榮有移山詩規行世

喬運開襄陵諸生性端凝邃於理學隱居教授不求聞達著有雅音論繹意太極圖集說韻始適我集諸生張迎恩者淡退不慕榮利隱於醫喜推解家人生產未嘗過問年八十四卒時稱高尙仇成瑜字佩齋亦諸生性耽山水喜吟詠棄舉子業遊覽自適著有綠天山房詩草河中蓬飛小蘗太華游

草關中雪泥集尺牘

彭鑑字杉橋臨汾人少補諸生篤實好學不慕榮利構別業蒔花種竹彈琴賦詩以自娛終年閉戶不與世故鄉里罕有識其面者

王元會字沂宗太平人安貧樂道教學終身嘗揭先正格言於壁勸戒子弟蒙其教者率皆循循守規矩至今稱王先生不衰

趙振基字康侯太平諸生性敏篤學不求聞達敦孝友戒紛華杜門靜養日摹古帖數十字以善書名

鄭文煒字孔陽太平人性沈靜內行修飭家有園亭廣植花木邀良友詩酒倡和共娛花朝月夕不談外事洵有隱者風柴常馨字潛齋太平人性古淡不與時俗伍精研宋儒全書

歷數十年爲諸生後絕意科名翳然自得於弄月吟風之外
以上平陽府

耿應昇字一如猗氏人前明庚午舉於鄉性直方工詞賦順
治中一上公車不謁選而歸敦行守道絕迹公門耕穫菑畚
皆躬親之友人王含光言每對一如如見元紫芝令人名利
之心都盡時稱爲隱君子云

郭向宸字葵一猗氏人前明諸生績學工文闢逆之變以宦
裔勒饜破產羅莽自是絕意科舉遁迹涑側茅舍數椽誦讀
自適足迹未嘗一至城市所居初僅十數家向宸輯睦鄰里
撫恤孤寒人多歸之不二十年遂成大聚落人以比之王彥
方云

楊于階字繩我榮河人前明諸生潛心理學絕意科舉結廬

養靜以盆魚窗草自適弟子從遊者甚眾因材造就歷四十年不履市井不入公門縣令舉行鄉飲禮延請不至乃式廬造訪匾其亭曰養皇上人年八十三無疾卒

令狐銀字大任荷氏人少穎悟絕人游庠序旋卽謝去陶然林泉之樂嘗有句云黃花盃裏儘閒閒門外青青一片山半枕竹牀頻自醒枝頭唯是鳥閒關

韓琮庚鄉人年十四父沒哀毀盡制事孀母無違禮讀書期實踐不爲帖括以階科名終日兀坐衣冠必整時人稱爲三韓先生

王炯字子曜榮河人兄煌知劍州同治初炯往省值滇逆藍二順等竄擾蜀境犯劍州炯督勇力拒有全城功保擢縣丞力辭不就旣歸優游林泉以老士論高之

以上蒲州府

馬調理平順人前明諸生甲申後杜門謝客暇則嘯歌田野間一時皆高其行年九十四無疾卒

秦之璧平順人前明諸生絕意進取屏居窮山耕田課子爲娛年七十餘猶攜友尋山間水有高蹈遠引之風

路濟瀛平順人少補諸生痛父殉難甲申後棄其衿徜徉山水間終身不踐塵市詩酒陶情人以自在翁呼之

王知生平順諸生厭帖括棄去潛心性理達於易卜多奇中人稱爲葛井先生

侯萬里字毅堂潞城人家素裕六世不異爨稱義門萬里少補諸生累試不遇以貢授校官非所好也遂隱居不出闢漱芳園栽花種竹自娛縣有大役令或折簡相要必力程其事否則未嘗輕至公庭也

以上潞安府

劉士鼇汾陽人明季爲永年主簿數月卽解組歸甲申後閉戶不出亦不見一人順治三年卒自志其墓汾陽朱之俊爲之贊以乾坤正氣稱之

水園先生不知何許人亦不詳其姓氏戊申春一瓢一衲而來自稱水園道人棲永甯大武鎮之鐵佛閣有訪之者必南面莊語能詩文兼善琴棋然終未見其隻字亦從未操一曲對一局閉戶靜適而已值大雪凍餓垂死有懷之食則食餽之酒則飲否則晏如也丙辰冬卒遺黃玉環一州人附棺中以葬

以上汾州府

羅人文沁水人舉前明丙子鄉試甲申後棄去不復出業醫爲生遂精於醫著醫說若干卷

張文炳字子潛陽城人家至貧鬻菽乳自給顧性嗜詩未有

教使爲之者而刻苦玩學久之稍成篇章嘗得句云門前芝
草鹿麋田白東谷尙書見而賞焉遂與友善而以麋田爲之
號未幾復以曬藥掃殘雪句爲陳文貞公所稱文貞入都徧
語朝列於是長洲韓宗伯新城王司寇仁和湯少宰皆爲賦
詩聲價頓長素孝友有弟張肆於市頗饒入一旦其子亦效
之怒曰而欲爭叔利耶卽使撤去其篤摯若此

陳雲珊陽城人布衣性古峭篤學不試家貧居破屋一椽中
年喪妻不再娶課二子耕田自給終歲閉戶吟誦家無藏書
假於人不窮其蘊不止爲小品尺牘古趣盎然不輕造謁偶
至士大夫家衣敝履穿無傲容亦無慚色清談極歡而去
樊大基字梅軒陽城布衣性豪邁能詩不求聞達著有北游
草

蘇賓字生生鳳臺人博覽羣書喜吟詩曩蓄禁方醫人多奇
驗而深自韜晦杜門高臥郡守王瑋以母疾屈之不應強以
往不冠不揖家人危之賓坦然不以爲意瑋愈加敬禮爲製
方而去疾尋愈其疎傲率類此所著易箋多出己意不規規
先儒成說詩有達情詰屈難讀究心六書訂正韻法直圖行
世

趙蔚字知岑高平人性安雅沈密絕意聲華博覽載籍尤潛
心於性理之學旣老日玩易象及春秋傳熟於史事厯代興
廢之端皆能提其綱於程子鄉校之陰闢地構齋曰端本掩
關獨坐研究經旨寡言笑重道義年七十卒司靜山志其墓
稱爲真處士云

王炳照字南村陽城人乾隆丁酉拔貢究心詩學不求仕進

工書尤精內典家貧自適吟眺山水間往往與田父傭保雜
飲從不干人將沒自書墓石曰青蘿山人王南村之墓有介
雅堂詩集行世

馬體孝字翁恆鳳臺人少補諸生敦篤嗜學雅好山水一旦
厭家事棄巾服遠遊遂隱於丐鄉人商於淮南者多識之或
贈以財辭多受少嘯歌徜徉如病如顛傷於犬餓死道旁宿
遷令臨驗於懷中得一詩尾署其字徧訪無識者令甚惋歎
爲具棺卹其地禮葬之並起冢立石題曰丐詩人翁恆之墓
並勒其詩

純

皇帝南巡賜和其韻江淮間傳爲美談令旋聞其爲鳳臺人
移文關照妻女皆前沒親族無肯認者遂以翁丐傳

郭飛熊字涓濱鳳臺諸生少負異才後隱於醫賣藥自給性

喜恢諸作詩亦多生趣有藥圃吟草

以上澤州府

劉光蔚字赤霞沁州人前明癸酉舉於鄉事親色養備至依戀不仕甲申後不改初志終老於家生平博覽羣書洞悉原委爲文高邁吳文端公爲諸生時曾從之間學焉

張鴻儒字曉峯武鄉人明季諸生嗜酒工文闖寇之變流毒指紳鴻儒焚書令子弟業農順治初以恩例循序貢太學擢知縣官給路費鴻儒以金付酒家數日盡部檄促謁選乃偕所善衲子改裝就道至真定變姓名遁去三年復歸里縱酒佯狂以終

魏明命字臨汝沁州諸生志行高潔父都梁明季以副總兵征寇陣亡明命當襲指揮僉事具表力辭晦迹林泉縱情詩酒以終

魏生中字畢原武鄉人都御史雲中弟也少負長才雄於文
一經自樂淡於仕進當事爭推薦之皆力卻由歲貢選長治
訓導未久引去更號棲遲子治生壙爲文志之時與親友賦
詩對酌其中銘曰石莫世稱其達

史疑字九峰武鄉諸生少孤苦志力學早謝舉業壹志於詩
結茅東山幾四十年四方聞名者爭式其廬文字酬酢外不
涉世事後並厥棄有所作輒嫁名他人好讀棧殿年七十一
榻靜坐禪誦甚勤云

以上
沁州

白允彩字居實平定諸生事母至孝讀書過目成誦性謹厚
斂束繩墨至意氣所觸輒奮前不少顧忌中年後遁迹荒村
與布衣野老日遊醉鄉吟詠自娛其詩沈浸三唐簡質疏古
自抒性情有洄魚村集戴楓仲選入晉四人集中

張修已字君吉平定州人善詩歌兼擅書法卜居村中自號
買山子足迹不入城市太原傅青主顏其居曰詩陶又曰隘
齋

實學周字紹且平定諸生好古工文不求名譽與太原傅青
主同郡白居易賀友善青主顏其讀書之堂曰醉白以文記之
閻國相字良臣壽陽人事親孝博覽羣書留意孫吳兵法精
騎射前明癸酉武舉以親老不復應試師事郭選陽受易有
得益務自晦同里高念劬選淮陽兵備便道歸相見謂之曰
國家需人君何憂不貴顯笑而不答

以上平定州

陳于帝忻州人明季貢生少有才名與定安府中尉彝林雅
相善流寇猖獗勸中尉散財發粟招募勇敢用備不虞中尉
不能用及逆闖之變棄衣冠匿迹深山自是閉關卻掃不與

外事罕有識其面者惟與傅青主爲友每過訪輒流連不忍去云

張天斗字中宿忻州布衣少穎異博綜羣書負幹濟才雁門孫忠靖公引參戎幕忠靖殉國難遂歸里甲申後放浪山水日與緇流來往中年喪偶不復娶無子同時楊玉樹博覽能文喜談忠孝軼事時爲文記之著述甚富亦以布衣終

薄芝蘭定襄人少讀書日記數百言有神童之目家窶甚落拓爲句而負性峭直遇非義財不顧而去冬夏布袍一領懸鶉百結數十年不易昂首徐步往來城郭間蕭然自得也臨終預剋死期如言而逝

以上忻州

張祥鳳字子儀代州人少補郡學諸生性狷介取與不苟慕赤松子數遊五臺晚年貧甚日以詩文自娛後遁去妻子莫

知所之或曰隱於華山

代州

姚綬字公綬稷山人少補弟子員喜賦詩尋謝舉業卜居紫金山麓鑿池注水灌田自給知縣孫倌爲構室三楹題曰高士幽居所著有金山樵隱若干卷

終州

劉漢昇字通宇隰州人明季舉茂才後棄繻拔爲山林遊詩酒適志意豁如也又諸生劉大智字若愚性淡退隱居山中耕讀自怡二十年不踐城市布衣蔬食終其身

庾邦正字槃字大甯人安靜寡欲不慕榮利明末以歲貢赴廷試中途而返鍵門謝客不問應事者三十年間作消遙遊與販夫菜傭時相爾汝年八十餘卒

王笏字鳳儀大甯人自號九不野老順治中以歲貢當謁選不赴或勸之行謝曰陶靖節令彭澤止爲酒耳我田種秫足

矣何官爲衙杯賦詩偃仰林泉以終以上

李寶趙城人性高潔讀書蕭寺終年不履塵市年八十餘日

取文史校讐不輟人比之向巨達云

高旌說趙城人性喜遊覽時以筆視自隨嘗言文章在山水

清妙處以貢選校官不赴隱居著述以終以上

石六十五人又四人附見

藝術錄上

錄十之一

山西通志弟百五十六

賜進士出身頭品頂戴兵部侍郎兼都察院右副都御史巡撫山西提督軍務臣張煦奉

旨監修

自子長創爲日者龜策各傳歷史因之敘述藝術不外陰陽卜祝之流北魏諸書頗採衆藝舉凡醫卜星相醫書音樂以逮工匠技擊莫不備列良以智創巧述悉本理數觸類而長爲義無窮其能成一家之名者必有夙出之才獨造之詣以自立於不朽蓋藝也而道存焉三代以來官有世業其出於昔者若史蘇龜經師曠占書猶著於隋唐史志雖復方術流爲賤伎而大雅鴻儒相與祖述六藝推尋聖緒啓代不乏人觀夫前民利用莫神於數而四元布算肇自平陽歷元及明幾就沈湮乃復大顯於當世由是推之藝學之興未見其止

也哀其技能足傳者並著於篇晉之名乘斯或一端云

歷代晉至元

王修字敬仁濛子也濛善比庾翼丹青甚妙修官至著作郎
少有秀令之譽年十六著賢令論劉眞長見之歎嗟不已善
隸行書嘗就右軍求書乃爲東方朔畫像贊與之王僧虔言
敬仁書殆窮其妙子敬每省云咄咄逼人卒年二十四始王
導愛好鍾氏書喪亂狼狽猶衣帶中藏尙書宣示帖過江後
以賜逸少逸少乞敬仁敬仁卒其母見此書平生所好以入
棺云太原王氏善書者仲祖父子外述及子坦之孫綏三世
並善隸行述書賦言懷祖書高利迅薄連類傾欽今俱不傳
惟消化閣帖存坦之草行書四行

太原府

高宣安邑人恒弟也善篆及草名亞父兄初宣祖敬侯顓好

古文烏篆隸草無所不善子成公瑾探張芝草法取父法參之更爲草藥以傳子恒瑾嘗曰我得伯英之筋恒得其骨又世傳瑾作柳葉篆恒作雲書宣承家學與弟庭子操仲寶玠叔寶並以書名已見文學晉書載恒所撰四體書勢於書家源流甚備盛傳於世文云昔在黃帝創造物有沮誦倉頡者始作書契以代結繩蓋規鳥迹以興思也因而遂滋則謂之字有六義焉一曰指事上下是也二曰象形日月是也三曰形聲江河是也四曰會意武信是也五曰轉注考老是也六曰假借令長是也夫指事者在上爲上在下爲下象形者曰滿月虧效其形也形聲者以類爲形配以聲也會意者止戈爲武人言爲信也轉注者以老爲壽考也假借者數言同字其聲雖異文意一也自黃帝至三代其文不改及秦用篆

書禁燒先典而古文絕矣漢武帝時魯恭王壞孔子宅得尙
書春秋論語孝經時人以不復知有古文謂之科斗書漢世
祕藏希得見之魏初傳古文者出於邯鄲淳恒祖敬侯寫淳
尙書後以示淳而淳不別正始中立三字石經轉失淳法因
科斗之名遂效其形太元元年汲縣人盜發魏襄王冢得其
書十餘萬言按敬侯所書猶有髣髴古書亦有數種其一卷
論楚事者最爲工妙恒竊悅之故竭愚忠以贊其美愧不足
廁前賢之作冀以存古人之象焉古無別名謂之字勢云黃
帝之史沮誦倉頡眺彼鳥跡始作書契紀綱萬事垂法立制
帝典用宣質文著世爰暨暴秦滔天作戾大道旣泯古文亦
滅魏文好古世傳邱墳厯代莫發眞僞靡分大晉開元宏道
敷訓天垂其象地耀其文其文乃耀繁矣其章因聲會意類

物有方日處君而盈其度月執臣而虧其旁雲委蛇而上布
星離離以舒光木卉芣芣以垂穎山嶽嵯峨以連岡蟲跂跂
以若動鳥似飛而未揚觀其錯筆綴墨用心精專勢和體均
發止無間或守正循檢矩折規旋或方圓靡則因事制權其
曲如弓其直如弦矯然特出若龍騰于川森然下頽若雨墜
于天或引筆奮力若鴻雁高飛邈邈翩翩或縱肆阿那若流
蘇懸羽靡靡縣縣是故遠而望之若翔風厲水清波漪漣就
而察之有若自然信黃唐之遺跡爲六藝之範先籀篆蓋其
子孫隸草乃其曾元觀物象以致思非言辭之所宣昔周宣
王時史籀始著大篆十五篇或與古同或與古異世謂之籀
書者也及平王東遷諸侯力政家殊國異而文字乖形秦始
皇初兼天下丞相李斯乃奏益之罷不合秦文者斯作倉頡

篇中車府令趙高作爰歷篇太史令胡毋敬作博學篇皆取
史籀大篆或頗省改所謂小篆者或曰下邳人程邈爲衙獄
史得罪始皇幽繫雲陽十年從獄中作大篆少者增益多者
損滅方者使圓圓者使方奏之始皇始皇善之出以爲御史
使定書或曰邈所定乃隸字自秦壞古文有八體一曰大篆
二曰小篆三曰刻符四曰蟲書五曰摹印六曰署書七曰殳
書八曰隸書王莽時司空甄豐校文字部改定古文復有六
書一曰古文孔氏壁中書也二曰奇字卽古文而異者也三
曰篆書秦篆書也四曰佐書卽隸書也五曰繆篆所以摹印
也六曰鳥書所以書幡信也又許慎說文用篆書爲正以爲
體例最可得而論也秦時李斯號爲工篆諸山及銅人銘皆
斯書也漢建初中扶風曹喜少異於斯而亦稱善邯鄲淳師

焉略究其妙韋誕師涪而不及也太和中誕爲武都太守以
能書留補侍中魏氏寶器銘題皆誕書也漢末又有蔡邕采
斯喜之法爲古今雜形然精密簡理不如涪也邕作篆勢云
鳥遺迹皇頡循聖作則制斯文體有六篆爲眞形要妙巧入
神或龜文眞列櫛比龍鱗紆體放尾長翅短身頽若黍稷之
垂穎蘊若蟲蛇之勢縕揚波振擊鴈跂鳥震延頸脅翼勢似
凌雲或輕筆內投微末濃末若絕若連似水露絲絲凝垂下
端從者如懸衡者如編杳杪邪趣不方不圓若行若飛跂跂
翾翾遠而望之象鴻鵠羣遊絡繹遷延迫而視之端際不可
得見指擗不可勝原研桑不能數其詰屈離婁不能覩其卻
間般倅揖讓而辭巧籀誦拱手而韜翰處扁籍之首目絜斌
斌其可觀摛華豔於統素爲學藝之範先喜文德之宏懿愠

作者之莫刊思字體之類仰舉大略而論旃秦既用篆奏事
繁多篆字難成卽令隸人佐書曰隸字漢因行之獨符璽幡
信題署用篆隸書者篆之捷也上谷王次仲始爲楷法至靈
帝好書時多能者而師宜官爲最大則一字徑丈小則方寸
千言甚於其能或時不持錢詣酒家飲因書其壁願觀者以
鬪酒直討錢足而滅之每書輒削而焚其柎梁鵠乃益爲版
而飲之候其醉而竊其柎鵠卒以書至選部尙書宜官後爲
袁術將今鉅鹿朱子有耿球碑是術所立其書甚工云是宜
官也梁鵠奔劉表魏武帝破荊州募求鵠鵠之爲選部也魏
武欲爲洛陽令而以爲北部尉故懼而自縛詣門署軍假司
馬在祕書以勤書自效是以今者多有鵠手迹魏武懸著帳
中及釘壁玩之以爲勝宜官鵠字孟黃安定人今宮殿署多

是鵠書鵠宜爲大字邯鄲瀆宜爲小字鵠謂瀆得次仲法然
鵠之用筆盡其勢矣鵠弟子毛宏教於祕書今八分皆宏法
也漢末有左子邑小與瀆鵠不同然亦有名魏初有鍾胡二
家爲行書法俱學之於劉德升而鍾氏少異然亦各有其巧
今盛行於世作隸勢云鳥迹之變乃惟佐隸獨彼繁文崇此
簡易厥用旣宏體象有度煥若星陳穆若雲布其大徑尋細
不容髮隨事從宜靡有常制或穹隆恢廓或櫛比鍼列或砥
平繩直或蜚蜚膠戾或長邪角趣或規旋矩折修矩相副異
體同勢奮筆輕舉離而不絕纖波濃點錯落其間若鍾簏設
張庭燎飛煙嶸巖嵯峨高下屬連似崇臺重宇增雲冠山遠
而望之若飛龍在天近而察之心亂目炫奇姿詭譎不可勝
原研桑所不能計宰賜所不能言何草篆之足算而斯文之

未宣豈體大之難覩將祕奧之不傳聊俯仰而詳觀舉大較而論旃漢興而有草書不知作者姓名至章帝時齊相杜度號稱善作後有崔瑗崔寔亦皆稱工杜氏殺字甚安而書體微瘦崔氏甚得筆勢而結字小疏宏農張伯英者因而轉精其巧凡家之衣帛必書而後練之臨池學書池水盡黑下筆必爲楷則常曰忽忽不暇草書寸紙不見遺至今世人尤寶其書韋仲將謂之草聖伯英弟文舒者次伯英又有姜孟穎梁孟達田彥和及韋仲將之徒皆伯英弟子有名於世然殊不及文舒也羅叔景趙元嗣者與伯英並時見稱於西州而矜巧自與衆頗惑之故英自稱上比崔杜不足下方崔趙有餘河間張超亦有名然雖與崔氏同州不如伯英之得其法也崔瑗作草勢云書契之興始自顓皇寫彼鳥迹以定文章

爰暨末葉典籍彌繁時之多僻政之多權官事荒蕪勦其墨翰惟作佐隸舊字是刪草書之法蓋又簡略應時論指用於卒迫兼功並用愛日省力純儉之變豈必古式觀其法象俯仰有儀方不中矩員不副規抑左揚右兀若竦崎獸跂鳥跼志在飛移狡兔暴駭將奔未馳或黝黢踡跼狀似連珠絕而不離奇怒怫鬱放逸生奇或凌邃惴慄若據槁臨危旁點邪附似蜩蟬揭枝絕筆收勢餘綖糾結若杜伯捷毒看隙緣蟻騰蛇赴穴頭沒尾垂是故遠而望之摧焉若沮岑崩崖就而察之一畫不可移機微要妙臨時從宜略舉大較髣髴若斯

本書不詳詩文此與五代荆浩自記
昔為寫者取以充卷未及刪也附訂

郭公客居河東精於卜筮郭璞從之受業公以青囊中書九

卷與之

以上
解州

右晉二人

舊志澤州高平人列習太醫王叔和案叔和為邵陵高平人澤之高平名始後魏

公孫瓌襄陵人與屯留崔懿之皆善相及見劉淵驚相謂曰此人形貌非常吾所未見也於是深相崇敬推分結恩後淵稱尊號果如所言

平陽府

崔懿之屯留人與崔游友善劉元海遊上黨懿之見而驚顧語游曰此人非常大貴元海聞其善相引至別所解衣觀之當心有三赤毫長二尺六寸懿之拜曰鬚與此齊則表裏相應大貴逼矣元海稱尊號辟懿之起家中書監

潞安府

卜瑀字子玉匈奴後部人也少好談易郭璞見而歎曰吾所不如也然而不免兵厄瑀曰吾大厄在四十一位為卿將當受禍耳不爾者亦為猛獸所害吾亦未見子之令終也璞曰吾禍在江南甚營之未見免兆雖然在南猶可延期住此不

過時曰珣曰子勿爲公吏可以免諸璞曰吾之不能免公吏猶子之不能免卿將也珣曰吾此雖有帝王子終不復奉二京矣琅邪可奉卿謹奉之主晉祀者必此人也珣遂隱於龍門山劉淵僭號徵拜大司農侍中固以疾辭淵曰人各有心卜珣不欲在吾朝何異高祖四公哉可遂其高志後復徵爲光祿大夫珣謂使者曰非吾死所也及聰嗣位徵爲太常時劉琨據并州聰問何時可平珣對曰并州陛下之分今茲克之必矣聰戲曰勝吾勞先生一行可也珣曰臣所以行不及裴者正爲是也聰大悅署珣使持節平北將軍將行謂其妹曰此行也死自吾分慎勿紛紜遂從鎮北將軍靳冲攻晉陽不克珣卒先降冲遽收珣斬之聰聞之大怒曰此人朕所不得加刑冲何人哉遣御史中丞浩衍持節斬之

州

右北漢三人

郭明善太原人甚機巧當文成時代京宮殿多其制作

王顯并州人景明四年公孫崇表頃蒙付并州民王顯進所
獻古銅權稽之古範考以今制鍾律準度與權參合昔造猶
新始創若舊異世同符如合規矩

以上太原府

劉白墮者河東人善於釀酒六月中時暑赫以甕貯酒曝於
日中經一旬酒味不動飲之香美醉而不易醒京師朝貴出
郡者遣相餽餽踰於千里以其可至遠號曰鶴觴亦名騎驢
酒永熙中青州刺史毛鴻賓帶酒之任路中夜逢劫盜盜飲
之皆醉遂備擒獲因此復名擒奸酒游俠語曰不畏張弓拔
刀惟畏白墮春醪

蒲州府

江式字法安代人世傳螭篆詁訓祖彊自涼州內徙代京上

書三十條法各有體例官中書博士式少專家學常夢兩人
時相教授及府每有記識拜符節令以書文昭太后尊號謚
冊特除奉朝請式篆體尤工洛京宮殿諸門榜題皆式書也
延昌三年三月式上表求撰集古來文字以許慎說文爲主
採孔氏尙書五經音注籀篇爾雅三倉凡將方言通俗文祖
文宗埤倉廣雅古今字詁三字石經字林韻集諸賦文字有
六書之誼者皆以次類編聯統爲一部其古籀奇或俗隸諸
體咸使班於篆下各有區別訓詁假借之誼僉隨文而解音
韻楚夏之聲並逐字而注典書祕書所須之書乞垂勅給并
學士五人嘗習文字者助披覽書生各五人專令鈔寫侍中
黃門國子祭酒一月一監評議疑隱詔如所請名目待書成
重開於是撰集字書號曰古今文字凡四十卷正光中累官

驍騎將軍兼著作佐郎兄子征魯將軍順和亦工篆書

范甯兒善圍棋孝文時曾與李彪使齊齊令江南上品王抗與對甯兒制勝而還

蔣少游本博昌人配雲中爲兵性機巧頗能刻畫有文思遂留寄平城以傭書爲業被召爲中書寫書生用高允薦補中書博士及詔尙書李冲等議定衣冠於禁中以少游巧思令主其事後於平城將營太廟太極殿遣少游乘傳詣洛陽量準魏晉基趾高祖修船乘除都水使者遷前將軍兼將作大匠仍領水池湖泛歲舟楫之具及華林殿修舊增新改作金墉門樓皆所措意尋並太常少卿都水如故常爲太極立模範與董余王迥等參建之未成而卒

李脩字思祖本館陶人晚入代厯位中散令太和中常在禁

內侍鍼藥治多有效集諸學士及工書者百餘人在東宮撰
集藥方百餘卷皆行於世先是咸陽公高允雖年且百歲而
氣力尚康高祖文明太后時令診觀之一旦奏言允脈竭氣
微大命不遠未幾果亡遷洛後領太醫令

高崇祖恒州人善天文每占吉凶有驗永安中特除中散大

夫

以上大夫同府

祁纖河東人好相人世祖賢之拜爲上大夫

柳楷字士則河東解人也善草書頗涉文史位撫軍司馬上

州解

石後魏九人

王春河東安邑人少精易占明陰陽風角齊神武引爲館客
韓陵之戰四面受敵從寅至午三合三離將士皆懼神武將

退軍春叩馬諫曰比至未時必當大捷遽縛其子詣軍門爲質若不勝請斬之賊果大敗後從征討恒令占卜其言多中位東徐州刺史賜爵安夷縣公

張遠遊河東人有道術齊文襄別置館京師而禮接焉以上解州

右北齊二人

冀儁字僧儁太原陽邑人也性忱靜善隸書特工模寫太祖引爲記室時候莫陳悅阻兵隴右太祖志在平之乃令儁僞爲魏帝敕書與費也頭令將兵助太祖討悅儁依舊敕模寫及代舍人主書等署與眞無異太祖大悅費也頭已嘗得魏帝勅書及見此敕不以爲疑遂遣步騎一千受太祖節度大統初除丞相府城局參軍封長安縣男邑二百戶從復宏農戰沙苑進爵爲子出爲華州中正十三年遷襄洛郡守尋徵

教世宗及宋獻公等隸書備以書字所興起自倉頡若同常
俗未爲合禮遂啟太祖釋奠倉頡及先聖先師除黃門侍郎
累遷撫軍將軍右紫金光祿大夫都督通直散騎常侍車騎
大將軍儀同三司世宗二年以本官爲大使巡歷州郡察風
俗理冤滯還拜小御正尋出爲湖州刺史性靜退每以清約
自處前後所歷頗有聲稱尋加驃騎大將軍開府儀同三司
改封昌樂縣伯又進爵爲侯增邑并前一千六百戶太原府
薛溫字尼卿河東汾陰人道衡兄也博覽墳典尤善隸書仕
周至燕郡太守同縣薛愼字伯護好學能屬文善草書保定
初爲湖州刺史蕃部中大夫蒲州府

右北周二入

又一人附見

山允河東人宋時作花書見墨戲又梁武帝書品言柳惔書

縱橫廓落大意不凡

解州

右南朝宋一人

附見一人

北山黃公佚其名昌甯人也文中子稱其善醫先寢食而後

鍼藥

平陽府

汾陰侯生天下奇士也王度常以師禮事之臨終贈度以古鏡曰持此則百邪遠人度受而寶之作古鏡記具其異迹文中子嘗曰汾陰侯生善筮先人事而後說卦

蒲州府

閭毗榆林盛樂人

北史河陰人

頗好經史能篆書草隸尤善爲當

時之妙隋文受禪以技藝侍東宮煬帝時拜朝請大夫

和林格爾

右隋三人

唐彬茂太原人有前知術高宗時臨死封一狀貽其妻曰吾

死後年名垂拱卽詣闕獻之慎勿開也垂拱初其妻獻之狀中預陳唐室易周及突厥至趙定事後皆驗

王宏太原人永徽時畫人馬甚佳見牛戲畫評

王知微太原人書洛川長史賈公德政碑在修行寺東南筆法極峻利豐秀至今路人識者駐馬往觀見寶泉述書賦王知慎太原人知敬弟工圖畫官至祕書監當時雙絕與殷容齊肩後畫錄云知慎師於閻立本寫貌及之筆力爽利風采不凡

李仁章并州人學吳道子畫長於鬼神當時論非盧梭迦無以並轡

郭卓然太原遼人也能篆天寶間嘗摹勒雲麾將軍李府君碑並額

王鼎太原人官至劍州刺史喜丹青之習與趙博文同師周昉精密視昉爲不及而過博文遠甚名畫記稱其善子女菩薩

王軒太原人博通歷算尤精渾天術習王蕃之學虛肇嘗學渾天於軒軒以其術授之肇後作海潮賦與圖卽取渾天爲法見玉海

王凝字成庶并州晉陽人舉明經進士官至宣歙池觀察使工書有善會寺記及無量寺多寶塔記

溫晁太原人留意翰墨悉心景慕徒衆博求寶衆述書賦所謂溫播金聲也大原郭暉亦好傳寫賦並稱之

以上七原府

張文規河東猗氏人宏靖子也官至桂管觀察使子彥遠撰法書要錄序云大父高平公幼學元常自鎮蒲陝迹類子敬

及處台司乃同逸少書體三變爲時所稱先君尙書少耽墨妙備盡規模

孟羽河中人隱居永樂占候望氣往往甚神然不肯輕言工相術李懷光未叛時嘗私謂所親言城中有反氣比懷光舉逆知羽名遣使問之曰作天子否羽答以不識懷光怒將擒斬之羽先知卽遁去十餘日復還曰吾夜觀天象反氣已漸滅賊當自就誅翦矣後果然

張彥遠字愛賓宏靖孫也三世相門家多法書名畫收藏鑑識自謂有一日之長著法書要錄歷代名畫記又作名畫錄精記歷代畫家名姓自史皇以降至唐朝及論畫法并裝背襍軸之式鑑別玩閱之方官至大理寺卿

楊務廉河東人官將作大匠甚有巧思嘗於沁州市內刻木

作僧手執一椀自能行乞椀中錢滿關鍵忽發自然作聲云
布施市人競觀欲其作聲施者日盈數千矣

薛春感汾陰人善投壺龍躍隼飛矯無遺箭置壺於背後卻
反矢以投之百發百中

以上蒲
州府

韓凝禮上黨人明易學撰著奇中明皇爲潞州別駕將如京
命凝禮撰一著翹立三起二偃凝禮曰此龍飛之象未占有
孚應在仲冬一陽動也後果驗凝禮起家五品潘炎爲之賦
曰維彼神蒼生而有知用知不測明以稽疑擢九尺之纖幹
伏千年之寶龜德圓而神兮無幽不及其生三百兮其用五
十惟聖人之觀象乃神動而鬼入列八卦以效變翹孤莖而
子立數彰得一命乃自天同大橫之有夏表或躍而在田其
察也深其功也大稱美名於神物齊妙用於神蔡是曰元后

茲爲筮從氣受陰陽夜分而采露兼涵幽贊天地朝覆而輕
雲數重著而有靈立定天保可謂神助用先天造功深莫善
仲尼且許以鈞深屈於不知太公徒言乎腐草蓍之立兮發
其祥吾君得之尊以光明乎太極演彼歸藏因卜祝之符瑞
應天人之會昌

程逸人上黨人善符術遣崇與蕭季平善季平暴死逸人馳
祝之謂其子曰爾父未及死山神召之耳遂書符一擲風捲
去有頃季平甦曰今旦方起一綠衣人云霍山神召我約行
五十里空中一朱衣人下怒目曰程斬邪追汝綠衣者懼奔
去因與朱衣者還蓋逸人所學乃斬邪術朱衣人卽所書符
也

以上潞
安府

宋之遜西河人令閩子之間弟也初令文富文辭且工書有

力絕人世稱三絕後之間以文章起其弟之梯以趨勇聞之

遜精草隸世謂皆得父一絕

汾州府

管泠隱者逸其名李德裕掌記北門隱者謂之曰君明年當在人君左右爲文翰之職須值冲主德裕聞之愕然變色隱者亦悔失言避席求去德裕問何爲對曰君有宿緣其年秋登朝至明年穆宗繼緒召入禁苑

隋武府

王子貞卜者也唐貞觀中平定魏金母失明子貞曰明年三月一日有青衣從東南來療必愈至期見一人著青衣者遂邀入內重設飲食以相待其人曰僕不解醫但解作犁耳爲主人作之持斧繞舍求犁轅見桑曲枝臨井上遂斫下其母兩眼煥然見物此曲桑蓋井所致

平定州

田琦雁門人德平之孫工八分小篆署書圖畫寫洪崖子明

盧雲棲并雲朮行於世官歷陝令豫斬許等州刺史孫栖梧尤妙其事嘗寫武德功臣拜兵部尙書竇泉述書賦稱琦翰墨文房徵前賢而少對當聖代而難方云今介休抱腹寺有所書碑

田穎雁門人販鬻書畫於長安竇泉述書賦嘗稱之其所書

今見於世者有劉元尙張希古二墓志

以上代州

薛邕河東人官郎中好書與東海徐守行或推古招致或究能踰拔並求之不已見述書賦

李靈省夏縣人落托不拘檢愛畫山水每圖一幀非其所欲不卽強爲也但以酒生思傲然自得不知王公之尊貴其畫得非常之體符造化之功不拘品格自得其趣又工篆書歐陽修云唐世篆法自李陽冰後寂然未有名家者靈省所書

陽公碣筆畫甚佳

柳懷素字知白河東人官拾遺所書有華州濟安侯廟碑見王氏法書苑

裴元證河東人通儒術該曉圖讖

以上解州

邱延翰聞喜人永徽時遊泰山於石室中遇神人授玉經卽海角經也洞曉陰陽依法扞擇罔有不吉開元中爲縣人卜葬地星氣交見太史奏曰河東聞喜有異氣朝廷遣使斷其所扞山並捕延翰大索勿得詔原其罪詣闕陳陰陽之說以天機等書進呈祕以金函玉篆號八字天機拜亞大夫裴延休聞喜人行儉子也世載文雄家傳草聖書斷云行儉工草書行及章草並入能有若搢紳之士其貌偉然華衮金章從容省闕

裴佖字宏正聞喜人耀卿子耀卿故善書戲鴻堂秀麗軒各帖有其真蹟佖翰墨亦有名當世歷官工部尙書謚曰貞裴做字九思聞喜人官左金吾衛將軍謚曰成工書師張旭顏真卿嘗問做師敬長史有何所得曰亦嘗請論筆法惟言倍加工學臨寫書法當自悟耳

裴士淹聞喜人仕至禮部尙書改太子賓客謚曰懿嵩岳少林寺碑撰文并書雅不以八法名而秀勁多態以上絳州

右唐三十一人

又二人附見

荆浩沁水人善畫世稱荆關董巨爲畫家正宗唐末隱於太行山之洪谷自號洪谷子案齊源有沁水古城故浩亦有稱爲河內人者然以縣名係籍則漢縣廢已久故當以澤州之沁水爲近是洪谷疑卽懷谷在林縣西北與陵川蓋關界浩自記云太行山有洪谷其間數畝之田吾常耕而食之有曰登神鉅山四望

迴跡入大巖扉苔徑露水怪石祥煙疾進其處皆古松也中
獨圍大者皮老蒼蘚龍鱗乘空蟠蚪之勢欲附雲漢成林者
爽氣重榮不能者抱節自屈或迴根出土或偃截巨流挂岸
盤溪披苔裂石因驚其異遍而賞之明日攜筆復就寫之凡
數萬本方如其真明年春來於石鼓巖間遇一叟因問具以
其來所由而荅之叟曰子知筆法乎曰叟儀形野人也豈知
筆法邪叟曰子豈知吾所懷邪聞而慙駭叟曰少年好學終
可成也夫畫有六要一曰氣二曰韻三曰思四曰景五曰筆
六曰墨曰畫者華也但貴似得真豈此撓矣叟曰不然畫者
畫也度物象而取其真物之華取其華物之實取其實不可
執華爲實若不知術苟似可也圖真不可及也曰何以爲似
何以爲真叟曰似者得其形遺其氣真者氣質俱盛凡氣傳

於華遺於象象之死也謝曰故知書畫者名賢之所學也耕
生知其非木斲筆取與終無所成慙惠受要定畫不能更曰
皆慙者生之賊也名賢縱樂琴書圖畫代去雜慙子既親善
但期終始所學勿爲進退圖畫之要與子備言氣者心隨筆
運取象不惑韻者隱跡立形備遺不俗思者刪撥大要凝想
形物景者制度時因搜妙創真筆者雖依法則運轉變通不
實不形如飛如動墨者高低暈淡品物淺深文采自然似非
因筆復曰神妙奇巧神者亡有所爲任運成象妙者思經天
地萬類性情文理合儀品物流筆奇者蕩跡不測與真景或
乖異致其理偏得此者亦爲有筆無思巧者雕綴小媚假合
大經強寫文章增邈氣象此謂實不足而華有餘凡筆有四
勢謂筋肉骨氣筆絕而斷謂之筋起伏成實謂之肉生死剛

正謂之骨跡盡不敗謂之氣故知墨太質者失其體色微者
敗正氣筋死者無肉跡斷者無筋苟媚者無骨夫病有二一
曰無形二曰有形有形病者花木不時屋小人大或樹高於
山橋不登於岸可度形之類也是如此之病不可改圖無形
之病氣韻俱泯物象全乖筆墨雖行類同死物以斯格拙不
可刪修子既好寫雲林山水須明物象之原夫木之生爲受
其性松之生也枉而不曲遇如密如疎匪青匪翠從微自直
萌心不低勢旣獨高枝低復假倒掛未墜於地下分層似疊
於林間如君子之德風也有畫如飛龍蟠虬狂生枝葉者非
松之氣韻也柏之生也動而多屈繁而不華捧節有章文轉
隨日葉如結線枝似衣麻有畫如蛇如素心虛逆轉亦非也
其有楸桐椿櫟榆柳桑槐形質皆異其如遠思卽合一一分

明也山水之象氣勢相生故尖曰峰平曰頂員曰巒相連曰嶺有穴曰岫峻壁曰崖崖間崖下曰巖路通山中曰谷不通曰峪峪中有水曰溪山夾水曰澗其上峰巒雖異其下岡嶺相連掩映林泉依稀遠近夫畫山水無此象亦非也有畫流水下筆多狂文如繚線無片浪高低者亦非也夫霧雲煙靄輕重有時勢或因風象皆不定須去其繁章採其大要先得知此是非然後受其筆法曰自古學人孰爲備矣叟曰得之者少謫赫品陸之爲勝今已難遇親蹤張僧繇所遺之圖甚勝其理夫隨類賦彩自古有能如水皴墨章興吾唐代故張璪以外樹石氣韻俱盛筆墨積微眞思卓然不貴五采曠古絕今未之有也麴庭與白雲尊師氣象幽妙俱得其元動用逸常深不可測王右丞筆墨宛麗氣韻高精巧寫象成亦動

眞思李將軍理深思遠筆跡甚精雖巧而華大虧墨彩項容
山人樹石頑澀棱角無蹤用墨獨得元門用筆全無其骨然
於放逸不失眞元氣象元大初巧媚吳道子筆勝於象骨氣
自高樹不言圖亦恨無墨陳員外及僧道芬以下麤昇凡格
作用無奇筆墨之行甚有形跡今示子之徑不能備詞遂取
前寫異松圖呈之叟曰肉筆無法筋骨皆不相轉異松何之
能用我旣教子筆法乃齋素數幅命對而寫之叟曰爾之手
我之心吾聞察其言而知其行子能與我言詠之乎謝曰乃
知教化聖賢之職也祿與不祿而不能去善惡之跡感而應
之誘進若此敢不恭命因成古松贊曰不凋不容惟彼貞松
勢高而險屈節以恭葉張翠蓋枝盤赤龍下有蔓草幽陰蒙
茸如何得生勢近雲峰仰其擢幹偃舉千重巍巍溪中翠暈

煙籠奇枝倒挂徘徊變通下接凡木和而不同以貴詩賦君子之風風清匪嶽幽音疑空叟嗟異久之曰願子勤之可忘筆墨而有真景吾之所居卽石鼓巖間所字卽石鼓巖子也曰願從侍之叟曰不必然也遂亟辭而去別白訪之而無蹤後習其筆術嘗重所傳今遂修集以爲圖畫之軌轍耳澤州府馬重績字洞微其先出於北狄後居太原少學數術明太乙五紀八象三統大歷唐莊宗每征伐必問之所言無不中拜大理司直晉高祖起太原被圍勢甚急急命重績筮之遇同人曰天火之象乾健而離明健者君之德也明者南面而嚮之所以治天下也同人者人所同也必有同我者焉易曰戰乎乾乾西北也又曰相見乎離離南方也其同我者自北而南乎乾西北也戰而勝其九月十月之交乎是歲九月遼助

晉敗唐軍天福初拜太子右贊善大夫遷司天監明年張從
貴反命重績筮之遇隨曰南瞻析木水不自續虛而動之動
隨其覆歲將秋矣無能爲也七月而從貴敗賜良馬器幣天
福三年重績上言曰厯象王者所以正一氣之元宣萬邦之
命而古今所紀考審多差宜明氣朔正而星度不驗崇元五
星得而歲差一日以宣明之氣朔合崇元之五星二厯相參
然後符合自前世諸厯皆起天正十一月爲歲首用太古甲
子爲上元積歲愈多差闕愈甚臣輒合二厯創爲新法以唐
大寶十四載乙未爲上元雨水正月中氣爲首司天監趙仁
錡等言明年庚子正月朔用重績厯考之皆合乃下詔頒行
之號調元厯行之數歲輒差遂不用又言漏刻之法以中星
考晝夜爲一百刻八刻六十分刻之二十爲一時時以四刻

十分爲正此自古所用也今失其傳以午正爲時始下侵未四刻十分而爲午由是晝夜昏曉皆失其正請依古改正從之重績卒年六十四

太原府

袁宏禦後唐時爲雲中從事尤精算術同府令算庭下桐樹葉數卽自起量樹去地七尺圍之取徑圍之數布算良久曰若干葉衆不能覆命撼去二十二葉復使算曰已少曩者二十一葉矣審視之兩葉差小止當一葉耳節度使張敬達有二玉椀宏禦量其深廣算之曰此椀明年五月十六日巳時當破敬達聞之曰吾敬藏之能破否卽命貯大籠藉以衣絮鎖之庫中至期庫屋梁折正壓其籠二椀俱碎太僕少卿薛文美同府親見

大同府

薛貽矩字熙用聞喜人乾符中登進士第歷集賢校理翰林

學士仕梁累官至僕射守司空喜弄翰墨正書得古人用筆
意贈晉光草書序秀潤可觀一時學者亦罕儷焉州

右五代四人

王著字知微先世太原人唐相方慶之後也後蜀明經及第
赴闕授隆平主簿官歷殿中侍御史喜攻書筆迹甚媚頗有
家法太宗購古今書使著辨精摘定爲法帖十卷

馮文智并州人世以方技爲業太平興國中詣都自陳召試
補醫學知源樂縣主簿端拱初授少府監主簿逾年轉醫官
加少府監丞嘗隸并代部署酒化五年府州折御卿疾文智
診療獲愈御卿表薦之賜緋加光祿寺丞咸平二年明德后
不豫文智侍醫既愈加尙藥奉御賜金紫六年直翰林醫官
院東封轉醫官副使祀汾陰又加檢校主客員外郎大中祥

符五年卒

王瓘字國器太原人徙洛陽美風表有才辨少志於畫家甚窮匱無以資游學北邙山老子廟壁吳生所畫世稱絕筆焉瓘多往觀之雖窮冬積雪亦無倦意有爲塵滓塗漬處必拂拭刮塵以尋其迹由是得其遺法又能變通不滯取長舍短聲譽藉甚動於四遠王公大人有得瓘畫者以爲珍玩末年石中令以禮召瓘畫昭報寺廊壁厚酬金幣乾德開寶間無與敵者武員外宗元每歎曰觀國器之筆不知有吳生矣待詔高克明亦謂人曰得國器畫何必吳生本朝丹青名者惟瓘爲第一圖畫見聞志云瓘工佛道人物深得吳法世謂之小吳生

王端字子正瓘子亦善丹青長於傳寫及山水花竹等寫真

山西通志卷一百三十一 藝文志一
廟御容無及之者勅入畫院讓而不受止乞國子監書各分
一部上嘉之特授奉職轉右班殿直

李元濟太原人工畫佛道人物精於吳筆熙甯中召畫相國
寺壁與崔白爲勅敵議者以元濟學遵師法不妄落筆遂推
之爲第一

陳坦晉陽人工畫佛道人物都下奉先普安二佛刹尤多功
德牆壁相國寺北廊高僧乃坦所畫其於田家固爲獨步有
村學村醫田家娶婦村落祀神移居豐社等圖傳於世

王詵字晉卿太原人能詩善畫尙英宗女蜀國公主爲利州
防禦使畫繼云詵雖在戚里攘去膏粱黜遠聲色從事書畫
作寶繪堂於私第之東以蓄其所有書畫東坡爲之記見所
畫山水學李成皴法以金磔爲之似古觀音寶陀山狀小景

亦墨作平遠皆李成法也故東坡謂晉卿得破墨三昧

王子韶字聖美太原人中進士擢監察御史神宗與論字學留爲資善堂修定說文官元祐中進祕書監拜集賢殿修撰時王安石以字書行天下子韶亦作字解二十卷與安石書相違背喜作正至於三過筆可以挂萬鈞之重宗緒遂良顏真卿暮年自變爲一家其大隸題榜自有古意

李側字士宏太原人官集賢侍讀學士好學尙氣劬神苦思務求博洽而後已以好書名天下稍暇則取晉右軍縱筆擬爲之所居山房之窗壁几榻硯席諸供具花物皆弈弈有晉氣山是以擬晉題其顏自號員嶠真逸喜作墨竹宗文湖州牛麟字伯祥太原人大字尤爲時所稱美墨竹意亦瀟灑張遠字行之太原榆次人本土人隱居山間政和中有河東

清宋姓者親訪其廬邀至公署令畫絹八幅遠請屏去左右
且約漕無相見獨與弟子郝士安評議酣寢數日忽起下筆
頗窮天真兩幅不如意遂焚之以六幅與宋宋大喜贈送甚
厚高謝還廬從子明亦以山水擅名士安亦榆次人事師甚
敬常執杖履侍立左右
路舉并州人畫渠駝兼長鬼神每醉則畫駝不過數筆捫揭
而成頗全生意

郝孝隆太原人畫師李成今成都信香寺有所畫四壁

郭鐵子太原榆次人畫學李成善鍛鐵作方響故號爲鐵子
以太原府

蔣周平陽人精心算學得立天元一術撰益古集宋元豐金
大定間皆嘗刊行元硯堅序稱其移補方圓自成一家李治

稱其學可與劉徽李淳風相頡頏書中設問凡四十六題有術無草治恐初學難明於各題下繙成圖式演爲細草分作三卷改名益古演段至今習算之士以爲寶笈

蔣舜元平陽人精九章術擇其切於民事者撰爲應用算法凡八篇曰釋數田畝粟米端匹斤稱修築差分雜法總百十七問元豐三年汴人郭京爲序而行之稱爲奇士

李懋平陽人人物精瞻見圖繪寶鑑

吉祥平陽人工佛道筆墨輕清又能布景作佛像星辰多在山水中後人罕及山水亦佳

張德明字顯道襄陵人性不喜華飾精醫術常施藥救人尤急於貧困遠近求者無虛日太原提刑种師道來求醫應手而愈師道悅遂以朝廷所降妙應大師勅旨易而與之因酬

其功以上平
陽府

苗訓河中人善天文占候之術仕周爲殿前散員指揮使顯德末從太祖北征訓視日上復有一日久相摩盪指謂楚昭輔曰此天命也夕次陳橋太祖爲六師推戴訓皆預白其事已既受禪擢爲翰林司天文尋加銀青光祿大夫檢校工部尚書年七十餘卒子守信

苗守信少習父業補司天厯算尋授江安縣主簿改司天臺主簿知算造太平興國中以應天厯小差詔造新厯及成賜號乾元厯頗爲精密優賜束帛雍熙中遷冬官正端拱初改太子洗馬判司天監未幾轉殿中丞權少監事立本品之下俄賜金紫至道二年上心憂梁雍宿兵彌歲凶歉命宰相召守信問以天道咎證所在守信奏曰臣仰瞻元象又推驗太

一經歷官分其荆楚吳越交廣並皆安甯自來五緯陵犯彗
星見及水神太乙臨井鬼之間屬秦雍分及梁益之間民罹
其災水神太乙來歲入燕分歲在房心正當京都之地自茲
朝野有慶詔付史館明年真授少監咸平三年卒于舜卿爲
國子監博士

薛紹彭汾陰人恭敏公向子有翰墨名與米芾以書畫情好
相同世稱薛米然紹彭書作真行法皆自晉唐絕不作側筆
態

馬賁河中人長於小景作百雁百獐百馬百牛百羊百鹿圖
雖極繁夥而位置不亂本佛像馬家後寫生馳名於元祐紹
聖間孫興祖紹興間待詔工花鳥人物山水高宗每獲名迹
卷軸多令辨驗子公顯世榮俱善畫得自家傳紹興間授承

務郎畫院待詔賜金帶世榮子達遠並有名

喬仲常河中人工雜畫師龍眠園城中思歸一日作河中圖
贈邵澤民侍郎至今藏其家又有龍宮散齋手軸山居羅漢
淵明聽松風李白捉月元真子西塞山列子御風等圖傳於
世樓鑰攻媿集云仲常善畫而不易得一貴人待之三年一
日欣然索匹紙爲作應真數日而成眾像之外人物鬼神山
水樹石無不畢備以琉璃餅貼藕花小縮綠其上童子隔瓶
注視末有大蛇橫礙水簾中節節間斷而意象自全皆新意
也

馬遠字子欽河中人居錢塘工山水人物花鳥種種臻妙獨
步畫院光甯兩朝授待詔子麟能世家學然不逮父遠愛其
子多於己畫上題作麟畫蓋欲麟得譽故後爲畫院祇候

馬述遠兄工禽鳥毛羽燦然飛鳴生動之態逼真以上蒲州府

張騃字公度潞州人家世業醫騃尤精於方脈意在活人不
寶其報黃魯直母安康郡君病祕結諸醫不能治騃投餌即
愈魯直感而厚贈之卻不受

宋嘉禾上黨人畫人物學石恪減筆好作利市仙官和尚骨
格態度俗工莫及亦能墨竹小景絕佳以上潞安府

郝章汾州人長於人馬與路峯紫駝馬遠山水稱河東三絕
章兵火後居閩州已八十每畫一人一騎則自云雖老矣他
人亦做不到也

馮久照字明遠汾州人少游太學兵亂入蜀寓居渠州其山
水初頗繁冗後因郭熙之孫游卿爲太守盡以其家學傳之
遂一變趙相鼎與之有太學之舊薦於川路監司由是益得

名以上汾州府

都醫陵川人進士博學通醫徽宗時官宣議郎掌太醫院事遠邇求診應手愈能以其術鳴於時

蕭照渡澤人頗知書亦能畫宋靖康中乘亂流入太行為盜值李唐至出掠之見所攜但粉匳畫具而已時唐已有名照所素知即辭羣賊隨唐南至臨安因盡得唐藝紹興中補迪功郎畫院待詔賜金帶以上澤州府

李光輔代州進士善擊劍咸平五年詣闕帝曰若獎用之則民悉好劍矣遣還州代

王拙字守拙河東人大中祥符初營玉清昭應宮募天下畫流踰三千數中程者不減數百人分爲二部河南武宗元爲左部之長拙爲右部第一人與宗元爲對時人多許之乃畫

本宮五百靈官衆天女朝元等壁

王居正拙之子也俗以其小字多呼爲憨哥學丹青有父風師周昉士女畧得其妙嘗於苑圃寺觀衆遊之處必據高險以觀士女極能凡欲命筆必澄祕思慮故於形似爲得

鄭希古河東人長於平畫每出新意輒過人初未甚精紹興初遇郝章於閬州居相近一日章病希古視候甚謹病已章感其誠盡傳其法

于氏不記名河東人寓閬州工佛道像並畫鬼神見鄧椿畫

繼州上

薛化光絳州正平人善數術嘗以平晉策干太宗行在召見罷歸適子奎始生撫其首曰是子必至公輔後果執政云胡九齡絳州人工畫山水弱於裴文昉而意特瀟灑愛作臨

水側影牛人多稱之韓魏公有觀胡員外畫牛詩

高克明絳州人喜幽默多行郊野間覽山林之趣箕坐終日
歸則求靜室以居沈屏思慮神遊物外景造筆下景德中游
京師大中祥符中入圖畫院與太原王端上谷燕文貴潁川
陳用志爲畫友上嘗召入便殿命畫圖壁遷至待詔守少府
監主簿賜紫景祐初上命畫臣鮑國資畫四時景於彰聖閣
國資戰懼不已不能下筆詔克明代之淮海富商陳永以百
千求春龍起蟄圖克明堅讓不從時輩多之克明亦善佛道
人馬花竹翎毛禽蟲畜獸鬼神屋宇皆造於妙初仁宗即位
方十歲章獻明肅太后臨朝命儒臣馮章靖元孫宣公奭宋
宣獻綬等采摭歷代君臣事迹爲觀文覽古一書祖宗故事
爲三朝寶訓十卷每卷十事又纂郊祀儀仗爲鹵部圖三十

卷詔克明等繪畫之極爲精妙敘事於左令傳姆輩日夕侍上展玩之

楊威絳州人工畫村田樂每有販其畫者威必問所往若至都下則告之曰汝往畫院前易也如其言院中人爭出取之獲價必倍

靳青號野處絳之驛卒也遇異人得道畫猶能逼鼠

以上絳州

李隱五原人工畫山水大中祥符末嘗會室觀命隱寫五嶽山形於壁及畫山水於五殿屏展郭若虛云觀其危峯疊嶂遠水疎林可謂盡美矣然而鉤描筆槍淡墨焦斯爲未至耳

郭爾多斯
蒙古部

右宋四十三人

又六人
附見

張公佐榆次人明昌泰和間年過八十以山水擅名有入神

之妙平生遺蹟河東往往有之元遺山有題所畫湘江春曉

圖詩

太原府

劉汝諧平水人精於布算嘗遵天元一法作如積釋瑣蓋以
天元一術中有如積求之之云也元祖頤序四元玉鑑稱之
李德載平陽人究心算學於天元一外又增地元一位其術
神妙極九數之能事後人之三元四元皆依之推衍所著書
曰兩儀羣英集

苗彥實平陽人少受學於洪洞喬戾戾學問深博兼通音律
因教以琴事從授指法遂以雅音見稱於世近臣有薦於章
宗者因得待詔翰林居京師聲譽藉甚楊之美趙閒閒諸人
皆與之遊嘗選古人所傳操弄百餘篇有古意者纂集之爲
琴辨若干卷子若端仕元爲省郎

以土平陽府

馬雲卿介休人與兄雲章弟雲漢皆善畫雲卿人物尤工嘗
畫宣聖小像人樣吳裝五星又臨吳道子泰山北斗圖維摩
不二圖見畫史會要元遺山有題雲卿紙衣道者像詩雲章
名天來已見文學畫小竹石瀟湘可愛歸潛志稱其爲人詭
怪好異麻條草履浮沈閭里雜學通太元數又善繪畫及塑
像雖居官輒爲人塑畫

汾州府

姚擬字士言澤州人鄉貢進士明悟有巧思工畫山水嘗從
刺史許安仁書碧落寺碑是日隆冬風寒山堂壁間有煙塵
迹自成山水圖非人工所及擬然薪炙手走筆仿之頃刻而
成迥出畫家畦町之外時以爲神品云

張天祐字君玉澤州人明昌中詞賦進士工吟詠尤長於音
律絲竹管絃之技各擅其長嘗從郡守許安仁遊峽山青蓮

寺天祐鼓琴僧洪源和之聽者如聞高山流水有世外想

姚昇字子昂澤州人金末鄉貢與李俊民爲友工詩善畫馬
世傳畫馬圖而款書子昂二字者皆昇筆非趙松雪也俊民
嘗謂其似曹將軍篆隸亦推重一時俊民碑板文多其書云
以上澤州府

杜文字莘老雲中人以山水名元好問云莘老與郭熙張公
佐年相若而畫不下古人爲侯廣道作汾亭古意橫披灑然
有塵外意又元王惲有題莘老春融秀嶺圖詩大同府

白賁河曲人泰和中進士善畫馬李存題其所畫二馬云數
筆寫來千里志只今惟有白忻州保德州

右金十人

又二人附見

郭恭太原人元貞間登進士第善川帛爲大書飛動有神今

大成殿東羅漢堂扁皆其遺筆

太原府

孫固太平人號古真道人長於儒術兼精閏法百工技藝無所不通人稱爲百會先生

朱好古襄陵人好畫山水人物與同邑張茂卿暢雲瑞俱以

畫名家人得之若拱壁號襄陵三畫

以上平陽府

靳德進潞州人爲人材辨幼讀書通大義尤精星厯之學太保劉秉忠選授天文星厯卜筮三科管勾凡交蝕躔次六氣診察所言休咎輒應時因天象進規諫多所裨益累祕書監掌司天臺事從征乃顏揆日時率中機會嘗陳天道好生請緩師以待其降又奏宜括天下術士設陰陽教官使訓學者仍歲貢一人從之著爲令成宗撫軍北邊德進從行凡攻戰取勝皆預克期日無不驗者成宗初厯陳世祖進賢納諫咨

詢治亂之原上嘉之授昭文館大學士知太史院領司天臺事或請以瓦易都城苦慮德進曰若是役驟興物必踴貴議遂寢敕中書自今凡集議政事必使德進預焉尋可開仁宗在東宮特令中書留之上召見白海行宮授中書右丞議通政院事領太史院如故以疾卒追封魏國公謚文穆

秦邦紀壺關人號雲岑子至元間以善畫賜官待詔嘗畫五龍廟牧鶴圖見明四輔杜牧序

魏文呂壺關人元季嘗入神宇見梁端有書取視則風雲變色持歸盤地窖肄習之遂盡通甲冑射之術嘗被逮窮紙爲兔鋤禾雜沓競遂得脫川有桑挂其冠文昌手拔殆盡迄今其地無桑云

士天利壺關人精星厯占候能先知休咎言無不驗人以李

涓風比之嘗簪三元正經及節要行世子履道宏道傳父業

以上諸
安府

王襄陽城人穎悟強記旁通律厯尤工詩因染疾棄進士業
精求醫書療人多奇驗著素問注疑難傷寒歌括若干卷算
術一卷詩五百篇

李竹堂高平人巧思強識善楷書及篆籀之學有西溪法帖
傳世

鄭堃峇沁水人少讀書旁通天文地理之學泰定間知天下
兵將起隱於厯山遇異人授以道術常裸跣臥冰雪中鼾睡
如雷熱氣蒸林表後不知所終

以上澤
州府

孫威渾源人幼沈鷙有巧思元初雲中來附守帥表授義軍
千戶從軍攻潞州及鳳翔皆有功善爲甲嘗以意製蹄筋領

根鎧以獻太祖親射之不能徹大悅賜名也可兀蘭佩以金符授順天安平河南平陽諸路工匠都總管太祖嘗問諸將衣其甲者曰汝等知所愛重否諸將對皆失旨太祖曰能捍蔽爾輩以與我國家立功者非威之甲耶而爾輩言不及此何也復以錦衣賜威每從戰伐民有橫被俘戮者輒以蒐簡工匠爲言而全活之卒贈中奉大夫武備院使神川郡公謚忠惠

孫拱威子巧思如其父嘗製甲二百八十襲以獻至元十一年別製疊盾其製張爲盾斂則合而易持世祖以爲古所未有賜以幣帛二十二年除武備少卿大都路軍器人匠都總管元貞九年爲益都路總管兼府尹卒於官贈大司農神川郡公謚文莊

孫公亮渾源人世業造甲元初授諸路工匠總管公亮少有志畧練百國典後拜監察御史累官江西等處行工部尙書致仕

李溥光字元暉大同人幼出家爲僧號雪菴和尚喜讀書經傳子史無所不窺爲詩冲澹粹美善真行草書尤工大字趙松雪過酒肆見帘字注視久之謂此書過我問知爲溥光因薦之朝賜號元悟大師尋詔蓄髮授昭文館大學士一時禁區皆其所書有雪菴集帖傳世以上大同府

呂義字伯宜平定人善易學精卜筮堪輿星厯諸術勅授晉甯路教授子豫有父風世其業授饒州路陰陽學教授平定州

彭舜安字國寶崞縣人世業醫頗通儒書自號西林翁延齡羽化葬於壓師坡下後里人多見之又傳椒寢有疾遣使召

之遇諸途既愈辭歸詔資其家則沒已數年矣因立廟刻石

以紀云

代州

劉致字時中河東人官翰林符詔風情高簡蚤負聲譽工作

篆籀復古糾繆編傳世行草宗晉人而不純熟

州解

元裕之絳人也講求算術先是平陽劉汝諧箸如積釋項一

書明天元一法有術無草裕之始步為全草多所發明云

人

傳謂卽元好問以字行然好問乃忻州人非絳

梁周泰字白亭稷山人精岐黃術至正間授平陽路醫學教

授子權孫叔東皆世其業活人無算世躋科名為邑望族

州絳

邢頌不霍州人以算學見重於金元之際祖頤四元玉鑑序

極稱之

劉大鑑字潤夫霍州人邢頌不弟子也嘗因平陽李德載三元之法增人元一位箸書名乾坤括囊見朱世傑四元玉鑑序與邢並稱霍山人或疑爲江南之霍山縣案四元之書創始平陽其時南北睽隔未能卽流傳也故當爲州人其稱霍山猶世傑之自署燕也

田忠良字正卿趙城人僑中山通儒家雜家言嘗識太保劉秉忠於微時後秉忠薦之世祖視其狀貌曰是雖以陰陽家進必將爲國用俄指西序第二人曰彼手中握何物曰雞卵視之果然又曰朕有事縈心曰當是一名僧病耳上曰然國師也命秉忠試星厯遁甲諸書諸生皆罕及詔授太史官上曰朕用兵屢焚累年不決對曰在酉年矣至元十一年元帥阿里海牙請益兵十萬渡江上密問曰汝試筮之濟否曰濟上御幄殿曰今拜一大將取江南朕心已定果何人邪忠良

環視左右目一人曰是偉丈夫可屬大事上笑曰此伯顏也
七月十五夜白氣貫三臺曰三公其亡乎尋劉秉忠卒獵御
林上駐輦曰朕有所遺曰其數珠乎明日二十里外當有持
之來獻者已而果然上問南征將士能渡江否忠良曰明年
正月當奏捷至期果取鄂州嘗以違和問曰聖體行自安矣
閱月愈賜銀五百兩與丞相和禮霍孫視山陵俄叛兵闕山
市忠良引眾夜歸敵殊不覺和禮霍孫以爲神上賜黃金十
兩皇子北平王那木罕丞相安童征海都奏曰不吉及諸王
昔里吉劫入海都命忠良致禱曰無庸皇子末年當還後果
然駕駐龍興北奏曰宿衛士曰食一瓜豈能充饑上俾均其
食汴梁河清三百里上曰憲宗生河清朕生河清今河復清
何邪曰應在皇太子命爲太常丞少府爲諸王昌童建宅忠

夏仆其柱曰太廟前豈諸王廷宅所邪上曰卿言是也又曰太廟前無馳道非禮也卽勅開道或請太廟牲不用牛忠良曰梁武帝用麋爲犧牲後如何邪將征日本奏曰海隅何足勞天戈不聽武宗初進司徒奏冬至祀天請以太祖配夏至祀地請以世祖配制可皇慶初卒封趙國公諡忠獻以上霍州

右元二十二八

山西通志卷一百五十八